



宋元詩會卷之五

皖桐陳

焯默公輯選

後學程

仕松皋叅較

劉筠

字子儀大名舉進士為館陶縣尉會詔試選人校太清  
 樓書楊億擢筠第一以大理評事為祕閣校理真宗垂意  
 篇籍筠預修圖經及策府元龜推為精敏書成進左正言  
 直史館遷左司諫知制誥進翰林學士初筠嘗草丁謂罷  
 相制及謂復留令別草制筠不奉詔乃更召晏殊殊過筠  
 出院側面而過不敢揖蓋有所媿也帝疾謂浸擅權筠遂  
 請外補知廬州仁宗即位召為翰林學士俄拜御史中丞  
 進承旨判尚書都省再知廬州卒筠初為楊億所識拔後  
 遂與之齊名時號楊劉晚為同姓富人奏  
 求恩澤士論少之所著凡七集

赴罷之初尋屬愆亢有司舉舊典取湫水徵巫覡以致禱  
 而涉旬靡應農事方急遣罷去越翊日乃雨

優詔將州任視政纔旬時田畷訴災嘆坐虞多稼姜雲將掉頭  
 去波臣涸轍悲行部殊未及隨車香難期往慙神父化鮑真守南陽吏

民號為今取旱母嗤蕭雅所至必赤地諸曹白事者雲典舉舊

規麗北岐棘山上有三湫池衙吏潔齋往汲水置縹瓷朝服領

巫覡詰旦迓諸岐承以結綵與奉於五龍祠自是率賓介寅午

款於斯紛敷薦楮鏹浸漬灑楊枝瓦罏松香鈍瓢樽黍酌醑四

壁繪神變正筵塑靈儀佈若葉公慵怪甚葛仙陂老覲十數輩

勃屑頭如魃童巫及伶倡貌寢語嘍囉但多壻益質曾之婉孌

姿交手操鈴拂合譟屢傲傲喧塵著蓬髮穢汗落粉頤一聞且

一嘔掩鼻以攢眉儕蔚朝待族敗草震散之與飄暮欲息竅竹

呼復來慢黷固已甚誕妄相馮隨如是者浹日僅得沾服滋嗟

予政無狀百拜胡敢亂矧夫民習俗姑用慰齋咨神道貴得一

何乃託邪師遽俾送湫勺撤役勤繭絲申明恤刑詔撻重捨輕

疑從此四五日由霈洽封圻周官地官職皇舞雖有祈道經泣

天下傷民誠弗為惟神稟聰正遠鬼務肅祇願守有常真可戒

興妖思

禁中庭樹

紫闥分陰地丹條濯秀時高枝接溫樹密葉覆辛夸夜影瑤光

接晨英玉露滋乘春好封植為賦角弓詩

槿花

紫霧函燈檠彤霞逼綺寮吳宮何薄命楚夢不終朝半被曾羞

問鄰墻却悔招莫移風雨怨更囑鵲為橋

郎目

地僻無車轍心灰欲坐忘疾雷徒破柱幽草不迎涼日烈蟬遺

蛻花休蜜滿房覆鴝知已久寧有次公狂

夕陽二首

夕陽堪極目况復近秋殘塞迴橫烟紫江清照葉丹伍胥嗟路  
遠潘子念行難更有蕪城恨城空逼夜寒  
瓊蘂滋晨飲青練擁夜衾萬年宮省樹五色帝家禽詔草裁藤  
角薰爐燼水沈浴室還獨對鳴佩有清音

偶懷

不才甘客難多病豈旬休可待乘軒寵終慚舐痔求渚蘭薰露  
夕江橋富霜秋養拙寧無地干波一葉舟

寄靈仙觀舒職方學士

石渠仙署久離羣抗迹丹臺世絕倫揚子不甘嘲尚白漆園終  
許自全真紫烟波處鸞雙舞朱髓成來鳥共伸若向雲中見鷄  
犬可能渾忘姓劉人

題林處士淝上新屋壁

久厭侯鯖盡室來卜居鄰近釣魚臺舊山鶴怨無錢買新竹僧  
同過宅栽斗酒誰從揚子學扁舟空訪戴逵回抽毫有污東陽  
望但惜明時老澗才

始皇

利嘴由來得擅場盡遷豪富入咸陽屬車夜出迷雲雨峻令朝  
行劇虎狼前殿建旗臨紫極東門立石見扶桑侍臣嘉頌徒虛  
美不奈盧生識國亡

漢武

漢武天臺接絳河半涵飛霧鬱嵯峨桑田準待他年變瓠子先  
成此日歌夏鼎幾遷空象物秦橋未就已沈波相如作賦徒能  
諷却助飄飄逸氣多

南朝

南朝

南朝

南朝

存素

花林酒滿勸長星青漆樓高未稱情麝壁燈迴偏照日雀航波  
漲欲浮城鐘聲但恐嚴妝晚衣帶那知敵國輕千古風流佳麗  
地盡賒哀思與蘭城

唐明皇

歲歲南山見壽星百蠻回首奉威靈梨園法部兼口部玉輦長  
亭復短亭河鼓暗期隨日轉馬嵬恨血染塵腥西歸重按臨波  
舞故老相看但涕零

宋玉

楚國荒驕日已淡山川朝暮劇登臨曾傷積毀亾師道祇託微  
辭蕩主心江草東西多恨色峽雲高下結層陰潘郎千載聞遺  
韻又說經秋思不任

成都

鏤膚剝俗恣遊遨種得蹲鴟號富饒井絡共知天與險螽蟻叢無  
奈世興妖杜鵑積恨花如血諸葛遺靈栢半燒才似文園何足  
道一生琴意祇成瘡

舊將

幾年塵套復征蠻分閩功成兩鬢斑新画儀容當漢閣舊銘勳  
業在燕山龍泉照步文犀溢馬埒堆金駿足閒時泰無因問克  
國曉牕風雪夢陽關

公子

油壁香車隔渭橋黃山路遠苦相邀行庖爨蠟雕胡熟永埒鋪  
金汗血驕別館橫陳張勝婉期門長揖霍嫖姚注鈎握槊曾無  
憚綠桂膏濃曉未銷

洞戶

...

...

...

存素堂

宋元詩會 卷之五 一鈔本  
百尺青樓大道邊五陵游騎曉翩翩不思夜魄過三五祇問春  
醪賞十千密鎖香雲淡處戶亂飄梨雪晚來天愁眉豈待歌成  
後咫尺河陽信未傳

淚二首

雍門琴罷已浪浪更上牛山半夕陽楚澤雲迷千里目蘇門歌  
斷九迴腸寒梅帶雨飄離席尺素停燈作報章湘水未乾終未  
盡豈徒萬點寄疎篁

含酸寤歎幾傷神嗚咽交流動滿巾建業江山非故國灞陵風  
雨又殘春虞歌決別知止楚燕酒初酣待報秦欲訴青天消積  
恨月娥孀苦更愁人

直夜二首

雞人肅唱發章溝漢殿重重虎戟稠翠羽欲植溫室樹金波先

上結璘樓風來太液聞鳴鶴露卷明河見飲牛萬國表章頻奏  
瑞手批天語思如流  
嘉木清音接綺牕謫仙風骨凜冰霜堯厨芟脯分珍膳漢廟含  
桃和酪漿磴道神行通碣石井榦雲構俯瑤光金缸壁月相暉  
映獸口時飄侍史香

無題二首

曾許千金答浣沙越溪浪淺不通槎曉樓簾卷還凝霧外苑墻  
低却映花滿目離愁頻駐馬一春幽夢祇驚鴉柔桑蔽日南城  
路懊恨羅敷自有家

星燭銀鞍狹路逢長裾連帶任流風身輕近識吳宮燕目斷還  
驚洛浦鴻未許香囊安肘後獨憐丹枕在房中南園蝴蝶飛無  
限一一雌隨一一雄

請急懷希聖

軼軼風檐乳燕翔浴蘭衣綵簾流黃雲容倏變千峰險草色相  
沿百帶長旋製紫荷供素筆暗移神蔡恐措牀思君只欲傾家  
釀待漏同誰賦栢梁

秋夕

枳落莎渠急夜蟲脩然平子四愁中栗林忽感雕陵鵲雲表初  
過代嶺鴻阮籍卧惟疎鑿月馬融橫笛遠含風卽兼吏隱前賢  
事猶勝楊岐泣斷逢

問人疾

撫枕悽然掩北軒漢庭誰問馬文園風簷鴟嘯厨烟絕月樹烏  
驚藥杵喧戲習五禽成妙術學虧一篲阻微言不因九奏清塵  
起天路應迷簡子魂

燈夕寄懷

千輪佛火照層城九陌香車擊迅霆簡子心知天帝樂孟家惟  
信紫姑靈金徒抱箭催壺水玉宇來風滿砌莫簾卷文疏蓮燭  
燼通中枕上獨聞鈴

艷體二首

走馬章臺冒雨歸後門猶待滯前期荷心水出終無定蘿蔓從  
風莫自持複帳麝輕難辟惡曲房蠶嬾不成絲漸漸龍麥藏鳴  
雉更恨如皋一箭遲

簾聲燭影浪多疑仙穀何能為解迷藻井風高蛛壞網杏梁春  
晚燕占泥更看山遠堆凝黛縱許犀靈祇駭雞枉裂霜繒幾千  
尺紅蘭終夕露珠啼

代意

花池阿閣不相容，濁水清塵恨莫窮。明月自新班，女扇行雲無  
奈楚臺風。乳鶯啼曉，銷蘭炷媚蝶傷春。失蕙叢縱使多才如子  
建祇能援筆賦驚鴻。

李舍人獨直

卿靄重重覆碧門，獨揮鴻筆坐西垣。誠明自有中和氣，潤色還  
多郁穆言。內苑朱櫻和酪賜，前階紅藥任風翻。紫絲新履回翔  
地，應笑東方避世喧。

初秋屬疾

秋陰淒淡隔重城，一畝居仍近禁營。漢苑樓臺沈暮影，謝家鼓  
吹發新聲。烟昏露井殘桃墜，葉下涼波獨鳥驚。節物變哀吟更  
苦，河堪漳浦卧劉楨。

暑夜

世燠盛息正，渾儀休問探。湯向小兒盡，日羽陵開蠹簡。幾人何  
朔飲芳卮，堯厨芟脯頻。搖處漢殿相，風未轉時爭得琴。高借雙  
鯉暫遊姑射對，冰姿

與啟明

秦疇從來易得車，邵枝今比我何如。垂天借喻齊諧志，握火尋  
盟越絕書。旭日西清雲幄密，朔風南陌葦衣疎。故山夜鶴空多  
怨，金屋人爭誦子虛。

秋夕池上

殺青和墨度流年，飽食無功鬢颯然。却憶侯封安邑棗，不能兄  
事魯褒錢千峰。月白烏啼樹六暮，風高鷄在天。招隱詩成誰擊  
節，願傾家釀載魚船。

送客不及



日上旗亭第五重百壺春釀與誰同  
黃山遠隔奔霄騎紫塞孤  
飛避弋鴻湘竹幾時休染淚  
楚旌終日自搖風此情不及歌楊  
柳一尺魚書萬水中

送許洞歸吳

欲折瑤花向綠疇風光滿目盡離愁  
茂林修竹多嘉客萬壑千  
巖憶舊遊漢詔已聞求泛駕  
禰狂無自屈岑牟荆山待價何憂  
晚龜 猶期裂地酬

七夕

靈匹迢迢駕七襄暫陳雲幄對星潢  
已看素魄過三讓何用華  
燈更九光玉腕雙絲輕宛轉霞衣雜佩暗  
丁當誰言巧意能勝  
拙祇見鳩閒鵲自忙

館中新蟬

庭中嘉樹發花滋可要螿螂共此時  
翼薄乍舒宮女鬢蛻輕全  
解羽人尸風來玉女烏先轉露下金莖鶴未知  
日永聲長兼夜  
息肯容潘岳到秋悲

暑詠寄梅翁

石渠炭業亘垂虹玄陰清流接桂宮  
玉女壺敲天未笑羲和轡  
緩日方中孝先便腹無寧詣病僂承蜩敢銜功  
蠲渴欲來飛雪  
散南昌世曹有仙風

懷舊居

毛竹千叢蔽野亭曉猿驚後亂峰青  
漢庭已奏三千牘周室仍  
繡十二經紫殿浚沈頻視草緇帷寂寞自飛螢  
振衣本為蒼生  
起肯向荀家祇聚星

鶴

碧樹陰濃釵砌平  
華亭歸夢曉頻驚  
仙經若未標奇相  
琴操何因寄恨聲  
養氣自憐雞善勝  
全身却許雁能鳴  
芝田玉水春雲伴  
可得乘軒是所榮

苦熱

六幕雲收萬籟沈  
結瑤千尺倦登臨  
七盤妙舞頻揮汗  
五色嘉瓜互鎮心  
極目崩梅寧止渴  
拂波宮柳漫垂陰  
祇憂大解神仙骨  
賴有泉聲發素琴

柳絮

半減依依學轉蓬  
斑駁無奈恣西東  
平少千里經春雪  
廣陌三條盡日風  
北斗城高連蠓蠓  
甘泉樹密蔽青蔥  
漢家舊苑眠應足  
豈覺黃金萬縷空

梨

玄光仙樹阻丹梯  
御宿嘉名近可齊  
真定蚤寒霜葉薄  
樊川初曉露枝低  
先時櫻熟煩羊酪  
遠信梅酸損瓠犀  
宋玉有情終未識  
蔗漿無奈楚魂迷

纂修述懷

良弼論思暇英才視草餘西清承密旨  
東觀類羣書左氏先經日征南發例  
初編年終顯惠歷帝自几蓬一覽無前古  
三長豈後予宏綱提要妙至論絕蘧蔭訛謬刊三豕  
公平喜衆狙菁英咸采掇疣贅悉消除  
組織千章合研窮萬象書胡為參也魯亦造仲尼居處末加駢拇于中  
或輔車乘軒思衛鶴努力訪劉驢見彈曾求笑臨川復羨魚  
孰云貂可續自愧鷄難如蚤入希東郭先知服子與直非頭似筆  
知謝里名標蝸舍遊從寡鷄衣禮貌疎寸陰嗟荏苒十駕敢躊躇  
天祿揚雄閣承明嚴助盧時陪

折俎宴頓異帶經組繫日親函丈他們絕曳裾卓錫雖有地擔  
石尚無儲獵犬方勞指神龜可避漁屠門誇大嚼鼠壞鄙餘蔬  
闕里辭難措漳濱病且祛學勤徒力爾性拙奈天歟大道今興  
起先生意卷舒正為王者瑞何羨使君旗暗室欣觀火頽波賴  
決渠當仁如退讓末跡定淪胥

夜讌

玳押風簾薄金徒漏箭長食魚齊上客置醴漢元王芥醬辛初  
和萍蘞冷乍嘗巢笙傳曲沃操鼓發漁陽吟燭惟憂盡杯籌豈  
易防齒犀融嶮雪栢麝薦荀香笑逐呼盧勝歌隨解佩狂遺簪  
兼墮珥流盼復回腸綵鳳尋仙吏斑駘待陸郎主歡殊未已投  
轄在銀牀

別墅

盛槩復風流交通遍五侯鳴鐘平樂宴擊鞠茂陵遊狡兔方多  
穴蒼鷹始下鞬鉗奴藏廣柳劍騎騁長楸雲際尋幢伎花間笑  
雙樓害先除白額夢已應黃頭燕酒惟增氣秦箏漫送愁鴻毛  
輕一灰祇待報私讐

致齋太乙宮

紫館天神貴綸闈地望清齋宮奉蠲潔攝事罄誠明殿翼如軒  
翥壇垓類削成直官琳札密太宰繡衣輕辟荔羅芳席虹蜺曳  
綵旌星陳五帝佐醴薦一元牲蒼駟回風馭珍禽警露聲丹霞  
升曉氣若木競新英挹袂寧無友凌霄自放情受釐宣室對賈  
傅異諸生

宣曲

八月收民算三千異曲章天機從此淺國艷或非良玉戶銅為

香羅幙象作牀驪姬初悔泣飛燕近專房蓮小才承步梅新競  
試妝盡知春可樂終歎夜何長取酒臨邛遠吞聲息國止難銷  
守宮血易斷舞鸞長百草兼花闔雙鈎映燭戩金人須手鑄虎  
圈更身當步輦回長樂飛除接未央琳琅飭歡館藻繡裏周墻  
厭火雙魚尾鳴弦小雁行雲霓澄灝氣綺井激回光路有斯須  
隔憂難頃刻忘新聲來樂府別寢近溫湯虹跨層臺晚螢飛下  
苑涼錦帷迎七夕蓬餌薦重陽九畹蘭承露三江橋帶霜方資  
裂繒笑可要盪舟狂並釣池魚小重衾穴鳳翔珊瑚分碧樹火  
齊列清防背枕生幽怨登樓多遠傷下陳無自媿人羸劇豺狼

前檻

垂柳陰森院游絲曠蕩春蘅皋誰駐馬羅襪自生塵四姓良家  
子三年賦客鄰折要行太緩連瑣語何頻倭墮雲爭媚便娟月

闕新滅癩難辨玉約指不勝銀電笑投壺勝江澄擣練勻東南  
勞鶴望西北限牛津寶唾凝蘭氣鳴黃咽絳唇籠禽思隴樹洞  
犬謝秦人咏絮才無對聞琴意始真長安足輕薄慎勿走瓊輪

秋月

瑤席留懽友金波對廣庭重簾和霧卷六幕極天青屬玉東西  
館琉璃左右屏梁園休賦雪隋苑漫飛螢蟾滴全供硯牛津不  
見星綺牕分皎皎芸閣共亭亭已喪應劉魄誰通鮑謝靈欲銷  
千里恨魯酒薄還醒

清風

閭闔重門啟飛廉別館浚焄蒸全已却雅興可能任雲起汾河  
詠旌搖楚國心過簫添爽籟拂野蕩層陰夕勁淮陽桂晨棲越  
鄂衾登高從落帽安寢任吹襟珠網疎難掩銅爐冷易侵急翻

池上葉遙送月前砧舞袖更回態歌梁極繞音最憐鵬鷄意瞬  
息度千岑

病

暫困秦王痔無疑廣客蛇職清唐內相宅僻魯東家行藥虹梁  
渡披襟蕙徑斜香凝虛白室露泣紫微花冰飲何嘗熱瓊餐益  
自加能經仙有術龜息壽無涯珍簾裁湘竹輕巾覆越紗逍遙  
成雅詠屬和有容已

王左丞新菊

東閣留嘉客寒葩艷晚光秋風自蕭瑟台座對熒煌麗奪淮南  
價清令九畹香嶸州霜薦味太液鵠分裳已助蜂成蜜還隨蟻  
泛觴俯臨輝艾綬佩服間黃房節物傳荆俗詩情掩謝塘更期  
松偃蓋永奉大清房

螢

荒郊多腐草故苑近清秋照密何勝數囊輕莫盡收月高疑燭  
息天遠認星流紫桂風微急紅蘭露徧浮已能穿永巷更欲拂  
高樓滅燭方無寐鳴蛩相薦愁

上巳玉津園賜宴

需雲分渥澤禊飲恣歡游綵幕侵晨設蘭泉對席流蕙肴清羹  
莆玉醴湛金甌春服萋萋盛光風灑灑浮桐花穠競發鶯語巧  
相求妙曲新聲合斜陽醉未休

再賦荷花

算雨過湘渚微涼滿楚宮濺裙無限水障袂幾多風浪迹嫌萍  
實塵勞笑菊叢氣清防麝損信密帶魚通游女歌爭發騷人思  
未窮休傳江北意月冷魏池空

水國開良宴霞天湛晚暉凌波宓妃至盪槩莫愁歸妝淺休啼  
臉香清願襲衣即時聞鼓瑟他日間支機繡騎翩翩過珍禽兩  
兩飛牢收交甫佩莫遣此心違

櫻桃

赤水分珠樹薰風送麥秋蜀都春氣蚤漢苑夏陰稠廟薦清和  
候恩頒侍從流楚昭萍已剖韓嫣彈爭投沆瀣滋芳液醍醐助  
品羞玉盤光宛轉金擬付歌喉

送譯經大師

漢夢通西域逍遙廣舊園竺乾方演教金粟豈忘言研滴寒蟾  
吐臺香瑞獸噴揮毫花滿袂隱几雪盈門大士清歌發南宗密  
印存縱橫十二部慧日破重昏

戊申年七夕

伯勞東翥燕西飛又報黃姑織女期天帝聘錢還得否替人求

富是虛辭

道書云牽牛娶織女取天帝錢二萬備禮久而不還被驅在營室

華寢星陳夜未央明河奕奕度神光一年暫得停機杼不奈秋

蛩促織忙

吹笙何處伴乘鸞窺牖誰人見阿環便有唐家今夕意月和風

露滿驪山

浙浙風微皎月新鵲橋橫絕飲牛津豈惟蜀客知踪跡更問庭  
中驪復人

琥車芝駕儼清秋微雨侵宵助涕流人世莫嗟離恨苦却應天

上更悠悠

丁謂

字公言蘇州長州人登淳化三年進士為大理評事通判  
饒州踰年直史館歷轉運使工部員外郎權三司鹽鐵副  
存素堂

使未幾擢知制誥判吏部流內銓真宗幸澶淵俾謂知鄆  
 州兼齊濮等州安撫事召權三司使上會計錄尋如樞密  
 直學士大中祥符初封禪議起謂與王欽若力贊天書之  
 事凡營造宮觀及呈獻四方祥瑞皆自兩人發之謂遂存  
 蒙寵任拜同中書門下章事昭文館大學士力傾冠準  
 貶道州同列無敢言者乾興元年封晉國公仁宗即位進  
 司徒兼侍郎為山陵使以交結近侍雷允恭事發貶崖州  
 司戶參軍明道中授秘書監致仕居光州卒

代意

玦帶珊瑚珮解瓊楚雲無定好傷情臨叩已誤通琴意金谷難  
 尋辨玉聲微警單棲盤露重密含幽思晚蘭平明珠百琲將何  
 當悵望輕軀病欲成

梨

搖搖繁實弄秋光曾伴青稗薦武皇玄圃雲腴滋紺質上林風  
 馭獵清香尋芳尚憶瓊為樹蠲渴因知玉有漿多少好枝誰最  
 見冒霜丹顆倚鄰墻

荷花

幼蘭為佩桂為舟北渚雲飛發櫂謳已有萬絲能結怨不須千  
 蓋彊障羞金隄勃率誰同上翠帟續紛客自留欲選浣沙傾敵  
 國越王更起近江樓

山居

洞口清香澈海濱四時芬馥四時春山多綠桂憐同氣谷有幽  
 蘭上後塵草解忘憂憂底事花能含笑笑何人爭如彼美欽天  
 壙長薦芳香奉百神

荷花排律 二首

彼美秋江上塵埃恥託根笑傾行雨國香返夢蘭魂蛺蝶無媒  
 妁鴛鴦見子孫徧窺思兩槩深鎖憶重門怯狗風波性慚留月  
 露痕枉將金試步千古怨東昏

宋元詩會

卷之五

十三

存素堂

相倚秋風立蘭言似有無未饒霜女俊不愛月娥孤力弱烟披  
素心危露泣珠剪衣隨楚思幽怨寄吳歛半所香囊解微傾醉  
弁扶涉江如可採百琲答輕軀

絕句荷花

夢散高唐夜正遙楚天何處不無慘秋風似會荆王意露渚烟  
汀養細腰

陳彭年

真宗朝官禁近與丁謂王欽若  
林特劉承珪同惡時稱五鬼

送申國長公主入道

盡出花鈿散寶津雲鬟初剪向殘春因驚風燭難留世遂作池  
蓮不染身貝葉乍翻疑錦軸梵聲終學誤梁塵從茲艷質歸空  
後湘浦應無解佩人  
堯山外絕載此詩又見唐律  
送妓入道為楊邨伯作較是

王欽若

新喻人少登進士真宗浚器之歷官司空同平章事性傾  
巧力排寇準倡為天書符瑞取悅人主詳國史中

覺林寺

暫拂塵襟思倍清竹風山色亂泉聲安民功淺君恩重又策羸  
蹄向古城

李宗諤

字昌武宰相昉第三子七歲能屬文恥以父任得官獨由  
鄉舉第進士授校書郎遷集賢校理真宗即位拜起居舍  
人擢知制誥景德二年為翰林學士從東封改工部郎中  
歷右諫議大夫卒年四十九詩見西崑酬倡集

代意

霧鸞曉影忽參差雲雨陽臺役夢思自是膠弦無續日不同珪  
月有圓時洞房斗帳承新愛河漢星橋隔後期綺榭凝塵斷消  
息抒情空擬四愁詩



南朝

仙萼玉壽夜沉沉三閣齊雲復道浚平替金鋪空廢苑于今瓊  
樹有遺音珠簾映寢方成夢麝壁飄香未稱心惆悵雷塘能幾  
日吟魂醉魄已相尋

漢武

建章宮闕鬱岧峣露掌修莖倚次寥平樂館中觀角觝 十臺  
上攝口驕蓬萊望氣滄波濶太一祈年紫府遙西母不來東朔  
去茂林松栢冷瀟瀟

燈夕上號內翰

東城南陌盡遊人陌上香車起暗塵歷歷星榆光奪畫煌煌火  
樹艷爭春章溝五鼓催行樂衛尉千廬罷徼巡應念鰲山方並  
宿紫泥封後獨嘖伸

新蟬

雨過新聲出苑墻烟輕餘韻度回塘短亭疎柳臨官道平野西  
風更夕陽八斗陳思饒賦詠二毛潘岳易悲涼感時偏動騷人  
思不問天涯與帝鄉

勸石集賢飲

都門祖軼綺筵張舉白無由滌羽觴石室紬書勤亦至金貂換  
酒醉何妨甕間吏部寧須問席上車公不可忘應念朝來猶鬪  
璫解醒誰用蔗為漿

清風

閒館方迴暑商飈乍應金天高初起籟松淡更宜琴汾棹傳歌  
遠班詩託興浚東陽仁自布西顛氣還侵太液翻晴旭靈和亂  
翠陰舟輕飛燕袂臺迴楚王襟阮嘯經時盡齊蟬度日吟愁生

孤成角響續暮城砧室靜銷雲縷庭虛轉蕙心賢哉吉甫頌千載有遺音

錢惟濟

見西崑酬倡集當是惟演弟兄官恩州刺史

清讌夜何其南亭路欲晞躡躑霞袖舉激灑羽觴飛鏤染搖花落金鐙照月輝瑤光未西落休賦醉言歸

苦熱

蘋末風休飛閣深亭亭日御漸流金火雲接影橫銀漢水鳥無聲下翠陰渴想孤山同飲露煩思楚殿獨披襟柘漿粒粒都無味衛玠清羸欲不任

刁術

字元賓并州人從李煜歸宋太祖賜緋魚授太祝至真宗朝官比部員外郎克崇文院檢討改兵部中卒年年六十

九其詩見西蕙時芳夕九迴腸歛袂東牕待曉光秦嶺樹高迷隴塞楚天雲

澹隔瀟湘病餘公幹情多詠秋晚安仁鬢有霜休道鮫人落珠

淚微波還擬託陳王

漢武

高宴栢梁詞可仰橫汾簫鼓樂難窮已教丞相開東閣猶使將軍誤  
戎灑淚甘泉還有恨祈年仙館惜成空誰知辛苦回中道共盡千齡五柞宮

陳越

字損之開封尉氏人少好學尤精歷代史編咸平中詔舉賢良策入第四等由州判召遷著作佐郎直史館歷太常

丞羣牧判官擢左正言卒年四十性嗜酒罕有醒日以是邁疾士論惜之

懷希聖

玉甃銀牀蔭碧桐北牕珍簟水紋融  
衣裁練布如王導扇執蒲葵學謝公  
瓊眉半和仙掌露蘭茗輕泛楚臺風  
若泚水雪神仙骨相樂誰同一笑中

舒雅

字子正九仕李唐工文章與吳淑齊名恬於榮官入宋為職方員外郎祕閣校理監舒州靈仙觀

答劉學士

往歲別京畿植山與衆違君心似松柏  
雁足寄珠璣學道情雖篤燒丹力尚微  
雲中雞犬在祇候主人歸

答內翰學士

清貴無過近侍臣多情猶憶舊交親  
金蓮燭下裁詩句麟角峰

前寄隱淪和氣忽飄燕谷暖好風徐起謝庭春  
絨藏便是山家寶留與兒孫世不負

答錢少卿

蓬來閣下舊鄰居偶別俄驚四載餘  
每見寒葭思倚玉忽臨秋水得雙魚  
人間貴盛君誰及物外憂閒我自餘  
聞認歸艎向春渚淡知不與道情疎

晁迥

字明遠澶州人徙家彭門舉進士為大理評事遷殿中丞用薦擢右正言直史官累遷工部侍郎仁宗朝進禮部尚書以太子少保致仕卒年八十四

屬疾

精鶩成勤瘁頤真俟有瘳吟生南越思  
慈結北堂憂檠枕甘為蝶豐厨厭炙牛  
玄元知寡欲平子尚多愁夕鳥侵階啄  
宵螢入

樹流玉書能靜覽枉矢倦閒投忽賦行雲什堪聽擊壤謳期君  
整朝佩仙署在瀛洲

清風

仙馭來相慰解顏良會稀病蠲宜養素趣遠欲忘機懲躁寧無  
漸延齡或可祈影搖珠箔細聲泛鈿箏微委恨餘班扇流歡入  
楚衣陶潛知夢穩韓壽畏香飛氣爽蒼龍闕凉生白虎闈健資  
雞距筆偷撼獸鏤扉松下琴心逸江東膾縷肥宿懷真隱處依  
約與同歸

薛映

字景暘父允中仕孟蜀歸宋為都官郎中映舉進士由理  
評通判昇州累遷太常丞歷制置轉運擢知制誥仁宗朝  
拜禮部尚書分司南京  
卒詩見西崑酬倡集

清風

爽氣乘秋至涼颼蕩暑初泠泠含遠韻撼撼動輕裾翠幕波無  
際修篁韻有餘潛驚塞草綠乍拂井桐疎素髮悲郎將霜紈感  
娘好牕光流熠燿簾影亂蟾蜍塵襲青絲騎香飄紺幃車故宮  
經馭娑別館度儲胥薄暮來金埒凌晨上玉除寧同起窮巷賸

欲賦愁予

安讀  
上聲

戊申年七夕

月放冷輪傍絳河相期寶婺夜經過姮娥不惜宮中桂乞與天  
香分外多  
碧天如水月如鈎金露盤高玉殿秋青鳥潛來報消息一時西  
望九天虬  
漢殿初呈楚無時月臺風榭鎮相隨如何牛夕佳期夕又待鑾  
輿百子池

月露庭中錦繡筵神光五色一何鮮世間工巧如求得四至卿曹亦偶然

銀河耿耿露漙漙綵縷金針玉佩環天媛貪忙為靈匹幾時留巧與人間

任隨

景真間太常丞直集賢院詩見西崑酬倡集

漢武

殊庭浚恨隔仙曹桂館蜚廉事轉勞銀闕尚沈滄海濶井幹空拂絳河高首陽弋獵侵多稼朔塞旌旗照不毛苦信憑虛王母說東方三度竊蟠桃

鶴

何年玉羽別昆丘飛舞長親十二樓警露夜窺瑤圃月翔雲高

憶海天秋肯教渠略知遐壽會向神區更遠遊正是溶溪烟水碧好陪青鳳飲澄流

劉隲

景真開官工部員外郎直集賢院詩見西崑酬倡集

號國妝初罷高塘夢始迴霓裳猶未解繡被已成堆赤帝宮簾卷萼陽洞戶開神仙有良會清唱在瑤臺

漢武

高挹方諸薦水蒼醮壇時見燭神光日邊甲帳雖虛設汾上樓船不可忘槃漑碧霄甘露白室遷幽壤瑞雲黃東巡岱嶽探金策倒指寧聞壽數長

舊將

疆弩當年討不庭功成身退炳丹青囊沙澤畔知兵法聚米山

前識陣形驥老未甘秋伏櫪劍閒猶覺夜衝星分茅錫土傳家  
牒鍾鼎還須為勒銘

館中新蟬

搖落何須宋玉悲齊庭遺恨莫沾衣池中菡萏香全減井上梧  
桐葉乍飛風促箏聲隨斷續日移甌影自光輝宜秋門外饒芳  
樹結駟那堪送客歸

崔遵度

字堅白本江陵人徙淄川太平興國八年進士解褐和州  
主簿歷著作佐郎太子中允景德初為編修官進吏部兼  
左論德判司農寺天禧四年卒

屬疾

李白美初美相如渴漸瘳八磚非性懶三昧減心憂筆苑多批  
鳳詞鋒勝解牛舊山疑鶴怨畏日想雲愁廣內勞揮翰通中羨

枕流使君方屢降客轄未容投好秦倪寬議何須莊烏謳朝衣  
薰歇不侍史待仙洲

李繼

景德間戶部員外郎直集賢院詩見西崑酬倡集

霜月

銀牀葉暗飄霜月夜迢迢寒極金難辟憂多酒漫消荀爐殘更  
換湘瑟罷仍調誰道河流淺盈盈萬里遙

懷希聖

銀闕琳房視草餘龍門岑寂斷軒車彩毫閒試金壺墨青紫時  
看玉字書王儉風流希謝傳子雲詞賦敵相如瓊枝不見蕭齋  
晚蕙草烟微度綺疏

王左丞新菊

存素堂

青規前席暇歸沐興何長北第秋將晚東籬菊正芳幽叢霏薄  
 霧桂色艷輕霜已近黃金印兼臨白玉堂甘疑掩萍實秀肯讓  
 芝房有佞還應指無憂可要忘藥浮丞相酒氣馥令君香好固松  
 松椿壽仙經識祕方

宋元詩會卷之六

皖桐陳

焯默公輯選

後學程

仕松臯叅較

王旦

字子明大名莘人文祐宋初名臣嘗植三槐于庭日子孫  
 必有為三公者旦幼沈嘿好學登太平興國五年進士知  
 平江縣用薦召試擢知制誥真宗即位同知樞密院進參  
 知政事澶淵之役旦權留守東京未幾拜同平章事凡柄  
 用十八年為相一紀國有大事待以取決惟於天書封禪  
 不敢為異議則其相業之累云年六十謚文正

十洲閣

山川如幻閣長秋一鳥飛來伴九洲不礙漁樵雙槩過何妨羅  
 綺四時遊雲疑泰華分張去水憶蓬瀛散漫浮禁苑未知湖海  
 樂生綉寫取獻中州

李迪

字復古幽州人少攜其文見柳開開奇之曰公輔材也舉  
 進士第一授將作監丞通判徐兗二州改祕書省著作郎

直史館歷陝西都轉運使入為翰林學士請發內藏庫佐  
 國用其料曹瑋之勝响厥入皆卓識可辦大事帝甚重之  
 天禧中拜給事中參知政事于周懷政之誅力護太子及  
 寇準罷真宗欲相迪迪固辭一日對滋福殿皇太子出拜  
 以得相為賀帝顧迪曰尚可辭耶遂以吏部侍郎同中書  
 門下平章事會丁謂擅權迪請與謂俱罷謂出迪知鄆州  
 謂敗仁宗起為祕書監屢典州郡太后崩召為資政殿學  
 士未幾復同中書門下平章事再出領郡以太子太傅致  
 薨謚文定

題河陽後城平嵩閣

南指嵩高北太行大河中出貫露長君王不恃金湯險自有仁  
 恩結萬方

王曾

字孝先青州益都人咸平中由鄉貢試禮部廷對皆第一  
 以將作監丞通判濟州召試授祕書省著作郎直史館遷  
 翰林學士真宗晚坐承明殿召對久之既退使內侍諭曾  
 曰翰林學士真宗故不及朝服見卿對勿以我為慢也其見尊  
 禮如此遷主客郎中歷右諫議大夫參知政事為王欽若  
 所排出知應天府未幾復參知政事仁宗立遷吏部尚書

以裁抑太后姻家通請謁者復出領郡景祐二年拜右僕  
 射兼門下侍郎同平章事封沂國公年六十一薨謚文正

立春帖子

北陸凝陰盡千門淑氣新年年金殿裏寶字帖宜春

蚤梅

石畔籬根取次栽小園春意覺先來雪中勿問和羹事且向百

花頭上開

杜衍

字世昌越州山陰人擢進士甲科補揚州觀察推官改知  
 平遙縣通判晉州歷知乾州鳳翔河東陝西轉運使召為  
 樞密直學士出知天雄軍仁宗特以御史中丞召兼判  
 內銓聲動京師寶元二年拜同知樞密院事改副使凡  
 降恩多封還詔旨寢格不行進同平章事薦引賢能阻抑  
 僥倖小人多不悅出知兗州慶曆七年以太子少師致仕  
 自是屢召不起封正獻公卒年八十謚正獻

新居感詠

存素堂



無似老且病惟恐歸田遲一旦得引年九天還聽卑尚霑二品  
 祿俾盡百年期恩深淪骨髓感極橫涕洟始營菟裘地來向灘  
 水湄城隅最窮僻匠者寧求奇卜築悉由已軒牖亦隨宜外日  
 庇風雨內以安妻兒燕雀莫群噪鷓鴣才一枝因念古聖賢名  
 為千古坐何嘗廣居室儉為後人師亞聖樂簞食寢丘無立錐  
 文終防勢奪景桓恥家為文園四壁立鄭公小殿移伊余具員  
 者適會承平時無術昆萬務無才撫四為罷亦齷齪勞心徒  
 孜孜保身已天幸拊已宜自知開卷願問厚復懼來者嗤勗哉  
 知止足清白猶可追

幽居即事

寂寂復寂寂告老閒居日徑草高於人林鳥熟如客黃卷不釋  
 手清風常滿室內顧平生心無過此時適

雨中荷花

翠蓋佳人臨水立檀粉不勻香汗溼一陣風來碧浪翻珍珠零  
 落難收拾

晏殊

字同叔撫州臨川人七歲以神童薦召試援筆立成帝嘉  
 賞賜同進士出身擢秘書省正字秘閣讀書遷光祿寺丞  
 丁內外難皆奪服起之以左正言直史館久之為翰林學  
 士仁宗即位太后聽政大臣丁謂曹利用各欲獨見奏事  
 殊建言當坐簾聽奏羣臣無請見理議遂定預修真宗實  
 錄進禮部侍郎樞密副使上疏論張者忤太后旨出知應  
 天府延范仲淹以政事尚書左丞康定初進同中書門下平  
 史中丞歷參知政事尚書丞丞康定初進同中書門下平  
 章事為權倖所排薨于穎州數徙知河南府引疾請歸京  
 師疾平留侍經筵薨于位贈司空兼侍中諡元獻文集二  
 百四十卷

和王校勘中夏東園

東園何所樂所樂非塵事野竹亂無行幽花晚多思閒窺魚尾

赤暗辨蜂腰細樹影密遮林藤梢枉冒袂潘蔬足登膳陶林徑  
取醉幸獲我汝交都忘今替世歡言捧瑤佩願以疎麻繼

列子有力命王充論衡有命祿極言必定之致覽之有感  
大鈞播群物零茂歸自然默定自有初不為智力遷禦寇導其  
流仲任派其源智愚信自我通塞當由天宰世曰臯伊迷邦有  
顏原吾道誠一槩彼途鍾百端卷之八纖毫舒之盈八埏進退  
得其宜夸榮非所先朝聞可夕隕吾奉聖師言

西園示張寺丞

元正清明假不開小園幽迳獨徘徊春寒不定斑斑雨宿醉難  
禁灑灑杯無可奈何花落去似曾相識燕歸來游梁賦客多風  
味莫惜青錢萬選才

初秋夜宿

絳河星斗夜蘭于禁署沈沈閉九闕上帝冊書群玉府仙人宮  
闕巨鰲山涼蟾影度秋陰薄促漏聲來夜唱閒擁鼻吟多欲愁  
絕巖鐘淒斷樹烏還

安昌侯

蓮勺移家近七遷一編經訓世相傳閨中沃壤通涇渭堂上繁  
音逐管絃身服儒衣同蔡義日將卮酒對彭宣高墳丈五陽陵  
外千古朱雲氣凜然

崇因寺

捲簾山色眼前見入夜濤聲枕上聞苔徑雨餘堆落葉石樓風  
靜鎖寒雲

雪中

平臺千里渴商霖內史憂民望最深衣上六花非所好畝間盈

尺是吾心

題琵琶亭

流光過眼如車轂薄宦拘人似馬銜若遇琵琶應大笑何須故  
淚溼青衫

詠竿戲題中書壁

百尺竿頭裊裊身脚騰跟倒駭傍人漢陰有叟君知否抱甕區  
區亦未貧

狄遵度

字元規長沙人父裴龍圖閣直學士遵度用父蔭為襄縣  
主簿居數月棄去好為古文著春秋雜說多所發明尤嗜  
杜甫詩嘗讚其集一夕夢見甫為誦已  
作乃世所未見者亡何卒有集十二卷

白雲

秋風吹白雲觸處自何谷初猶半洞門歛出遍巖腹零落依水

湑片段挂枯木餘影透微白滅跡混空綠烟蘿自翳蒼島淑徒

縈曲安知蒼枯野下覆猿鳥哭誰能久徘徊返顧視黃鵠

和渙之浚秋月夜書事

洞庭葉落涼颼颼銀河頑白凝不流圓月擬缺不忍缺輕露欲

浮終未浮憶吹朱籟鳳軒上更採紫芝雲嶠馭玉樓天半幾千

尺珠樹玲瓏縣上頭

雨

高林風怒雨聲黑小閣燈青人語闌誰知雲外月高照定是葉

間鸞最寒時覺急飄愁未已似聞徐滴喜初翻驪駒北首榆關

路天烟樹沙磧寬

登樓

羣山南走失所往百川東逝茲其窮天低水國疑將雁人過月

塘愁欲空

莎青石細淺見底  
天空雲淡無一毫  
波間圓月照不動  
海上清風來最高

林逋

字君復錢塘人少孤性恬淡好古結廬西湖之孤山二十  
年不入城市真宗聞其名賜粟帛詔長吏歲時勞問自為  
墓于其廬側既卒州為上聞  
仁宗嗟悼賜謚和靖先生

閔師見馮陋容以詩奉答

顧我丘壑人煩師與之寫北山終日縣風調一何野  
林僧忽焉至欲揖頃方罷復有松上猿驚窺未遑下

送牛秀才之山陽省兄

之子詠陟岡別我歲時晏後夜失羣鶴高天著行雁  
楚山遠近出江樹青紅間尊酒無足辭難愁滿行盼

湖樓晚望

湖水混空碧憑闌凝睇勞夕寒山翠重秋淨雁行高  
遠意極千里浮生輕一毫叢林數未遍杳靄隔魚舸

上湖間泛艤舟石函因過下湖小墅

平臯望不極雲樹遠依依及向扁舟泊還尋下瀨歸  
青山連石埭春水入柴扉多謝提壺鳥留人到落暉

湖村晚興

滄洲白鳥飛山影落晴暉映竹犬初吠弄船人合歸  
水波隨月動休翠帶烟微寺近疎鐘起蕭然還掩扉

湖山小隱 三首

猿鳥分清絕林蘿擁翠微步穿僧逕出肩搭道衣歸  
水墅香菰熟烟崖蚤筍肥功名無一點何處更忘機

園井夾蕭森紅芳墮翠陰畫宮松鼠靜春塹竹雞渡歲課非無  
林家歲獸有琴顏原遺事在千古壯聞心  
衡門鄰晚鳥環堵背寒岡片月通蘿逕幽雲在石牀客遊拋郭  
杜漁事擬浪滄管樂非吾尚昂頭肯自方

中峰

中峰一徑分盤折上幽雲夕照前村見秋濤隔嶺聞長松含古  
翠哀樂動微薰自愛蘇門嘯懷賢思不羣

小圃春日

岸幘倚微風柴籬春色中草長團粉蝶林暖墜青蟲載酒為誰  
子移花獨乃翁於陵偕隱事清尚未相同

郊園避暑

柴門鮮人事氛垢頗相忘愛彼林間靜復茲池上涼託心時散

帙遲客預攜觴况有陶籬趣歸禽語夕陽

山村冬暮

衡茅林麓下春色已微茫雪竹堆寒翠風梅落晚香樵期多獨  
往茶事不全忙雙鷺有時起橫飛過夜塘

出曹州

詩懷動歡嗟驢立帽陰斜雨灤生新艸茅叢夾舊槎牛烟昏獨  
店岡路透誰家幾日江南興扁舟泊岸沙

留題李頡林亭

無琴枕鶴經盡日卧林亭啼鳥舊相語幽人誰欲聽半闌花藉  
白一徑草盤青何必對樽酒此中堪獨醒

翠微亭

亭在江干寺清涼更翠微秋階響松子雨壁上苔衣絕境長難

宋言會 卷之六 得浮生不擬歸旅懷何計是西崦入斜暉

楚城寺水亭

金井前朝事林僧問不知綠苔欺破閣白鳥占閒池清楚曾經  
晉荒唐直到隋南廊一聲磬斜照獨凝思

聞葉初秀才東歸

高鴻多北向極目雨餘天春滿吳山樹人登汴水船吟生千里  
月醉盡一囊錢肯便懷鄉邑時清復少年

和梅聖俞雪中同虛白上人來訪

湖上玩佳雪相將惟道林蚤烟村意遠春漲岸痕深地僻過三  
徑人閒試五禽歸橈有餘興寧復此山陰

和朱仲方送然社師無為還歷陽

歸客過東關行行一錫閒破林霜後月孤寺水邊山頂笠衝殘

葉腰裝歇暮灣香燈舊吟社清思逐師還

夏日寺居和酬葉次公

午日猛如焚清涼愛寺軒鶴毛橫鱗陣蟻穴入莎根社信題茶  
角樓衣笮酒痕中餐不勞問筍菊淨盤罇

送長吉上人

囊集暮雲篇行行肯廢禪青山買未暇朱闕且隨緣茗試幽人  
井香焚賈客船淮流遲新月吟翫想忘眠

春日送袁城進士北歸

春潮上海門歸雁遠行分千里倦行客片帆還送君酒波欺碧  
草歌疊裏晴雲來歲東堂桂柳酬一戰勛

送史殿省典封州

馬援疎蠻邑銅標何可窮人烟時亦有海色自如空髭髮梅分

白旌旗瘴減紅惟應蔣藥罷埋照酒醪中

送王舍人罷兩浙憲赴闕

上問還旌節明廷覲冕旒清溪傾綺席蠹簡歷歸舟越俗今無  
訟閒田亦有秋公期論爵賞當拜富民侯

送昱師赴請姑蘇

同載闔閭人衣囊覆疆巾新烟赤岸暝融雪太湖春鐘遠移齋  
候香遲上定身當知舉如意寶地雨花頻

送皎師歸越

林間久離索忽忽望西陵靜戶初聞扣歸舟又說登野烟舍樹  
色春浪壘沙稜幸謝雲門路同尋苦未能

送思齋上人之宣城

林嶺藹春暉程程入翠微泉聲落坐石花氣上行衣詩正情懷

淡禪高論語稀蕭閒水西寺駐錫莫忘歸

洞霄宮

大滌山相向華陽路暗通風霜唐碣久草木漢祠空劍石苔花  
碧舟池水氣紅幽人天柱側茅屋灑松風

送僧休復之京師

金錫指歸鴻田衣獵曉風春江片席遠松月一房空新句別離  
後舊山魂夢中到京當袖刺館閣盡名公

寄錢紫微

晞髮晨初起中丘謝病身空持白雲意遙贈紫微人画轂門  
遠蒼苔掖署春元和舊文體當許繼清塵

淮甸城居寄任刺史

擾擾非吾事淡居斷俗情石莎無雨瘦秋竹共蟬清劍在慵閒

拂詩難意細評寥然獨檣枕淮月上山城

寄茂才馮彭年

異代甘泉賦誰當頌太微無如摘藻妙所惜賞音稀漸遠鄉閭樹方單客子衣扁舟艤何許霰雪暮霏霏

湖山小隱二首

道著權名便絕交一峰春翠溼衡茆莊生已憤鴟鳶嚇揚子休譏蝮蛇嘲滴滴藥泉來石竇霏霏茶靄出松梢琴僧近借南熏譜且併閒工仔細抄  
閒搭綸巾擁縹囊此心隨分識興亡黑頭為相雖無謂白眼看人亦未妨雲噴石花生劍壁雨敲松子落琴牀清猿幽鳥遠相叫數筆湖山又夕陽

湖上初春偶作

梅花開盡臘亦盡春暖便如寒食天氣色半歸湖岸柳人家多上郭門船文禽相並映芳草翠激欲生浮嫩烟幾處酒旗山影下細風時已弄繁絃

西湖春日

爭得才如杜牧之試來湖上輒題詩春烟寺院敲齋鼓夕照樓臺卓酒旂濃吐雜芳薰巘嶂溼飛雙翠破漣漪人間幸有簑兼笠且上漁舟作釣師

小園春日

草烟橫碧露華微乘興春園懶欲歸聚散有情輸蛺蝶淺淡無色比薔薇浮名莫惜千鍾貴急景須防百歲稀一事不堪身衣褐且偷閒眼看芳菲

夏日池上



先元詩會 卷之六 十 鈔本  
蓮香如綺細濛濛翡翠窺魚裏水蕙卷箔未生單簟月凭闌初  
過一襟風敲片石安琴薦獨倚新篁看鶴籠沈李凍醪無寄與  
可憐瀟灑興誰同

西巖夏日

蕙帳蕭閒掩敝廬子真巖石坐來初為驚野鳥巢間乳懶過鄰  
僧竹裡居新溜迸涼侵靜語晚雲浮潤上殘書何煩彊捉白團  
扇一柄青松自有餘

秋日西湖晚歸舟中書事

水痕秋落蟹螯肥閒過黃公酒舍歸魚覺船行沈草岸犬聳人  
語出柴扉蒼山半帶寒烟重丹葉疎分夕照微卻憶清谿謝太  
傅當時未解惜蓑衣

溪居雜興五首

四壁垣衣釣具腥已甘衡泌號沈冥伶倫近日無侯白奴僕當  
時有衛青花月病懷看酒譜雲蘿幽信寄茶經茅君使者清閒  
甚獨理叢毛向戶庭

冉冉秋雲抱嘯臺一丘松竹是閒媒誰聞濟北傳兵略枉說山  
東出相才樵褐短長披搯膝丹爐高下疊縣胎三千功行無圭  
角可望虛皇九錫來

松竹封侯尚未尊石為公輔亦云云清華自合論閒客玄默何  
妨事靜君鶴料免慚尸厚祿茶功兼礙策元勳幽人不作山中  
相且擁圖書卧白雲

湖上山林画不如霜天時候屬園廬梯斜晚樹收紅柿筒直寒  
流得白魚石上棊尊苔點淨籬陰鷄犬竹叢疎一闌兼是和雲  
掩敢道門無卿相車

宋元詩會 卷之六 十一 鈔本  
掉臂何妨人隱淪高賢應總貴全真次山有以稱贅叟魯望兼  
之傳散人拂水遠天孤榜晚夾村微雨一犁春不知圖畫誰名  
手狀取江湖太古民

孤山寺

雲峯水樹南朝寺祇隔叢篁作並鄰破殿靜披壘白古齋房閒  
試酪奴春白公睡閣幽如画張祐詩碑妙入神乘興醉來拖木  
屐翠苔蒼蘚石磷磷

西湖

混元神巧本無形匠出西湖作画屏春水净如僧眼碧晚山濃  
似拂頭青藥榼粉堵搖魚影蘭杜烟叢閣鷺翎往往鳴榔與橫  
笛細風斜雨不堪聽

平居遣興

有甚餘閒得解嘲高慵時把几程敲卑致晚鳥沈幽語歷刺疎  
篁露病梢草野交遊披褐見神仙書史點朱抄皇朝不是甘逃  
遁爭奈心嘉許與巢

池陽山居

數家村店簇山傍下馬危橋已夕陽鷺鳥忽衝谿靄破暗花閒  
墮整風香時聞盤泊心猶戀日後尋思興必狂可惜回頭一聲  
笛酒筭斜曳出疎篁

無為軍

掩映軍城隔水鄉人烟景物共蒼蒼酒家樓閣搖風旆茶店舟  
船簇雨檣殘笛遠砧聳野墅 苔寒檜看僧房狎鷗更有江湖  
興珍重江頭白一行

出泉水驛

曉城寒水共蕭蕭  
溼碧吹青路一條  
烟靄濃間出山驛  
林蘿淡裏過溪橋  
閒情謾會吟兼画  
隱事猶輸釣與樵  
多謝孤村人落外  
酒旗風急更相招

耿濟口舟行

環迴幾合似江干  
刺眼詩幽畫狀難  
沙嘴半平春晚溼  
水痕無底照秋寬  
老霜蒲葦交千刃  
怕雨鳧鷖著一攢  
擬就孤峰寄蓑笠  
舊鄉漁業久凋殘

園廬

柴闌寒井對蕭辰  
自愛棲遲近古人  
閒草徧庭終勝俗  
好書堆案轉甘貧  
橋邊野水通漁路  
籬外青山見寺鄰  
懶為躬耕詠梁父  
吾生已是太平民

雪

瓦溝如粉壘樓腰  
高會誰能解酒貂  
清夾曉林初落索  
冷和春雨轉飄蕭  
堪憐雀避來閒地  
最愛僧衝過短橋  
獨有閉關孤隱者  
一軒負病在顏瓢

春陰

似雨非晴意思淡  
宿醒牽引臥春陰  
苦憐燕子寒相並  
生怕梨花晚不禁  
薄薄簾幃欺欲透  
遙遙歌管壓來沈  
北園南陌狂無數  
只有芳菲會此心

山園小梅

三首

衆芳搖落獸暄妍  
占盡風情向小園  
疎影橫斜水清淺  
暗香浮動月黃昏  
霜禽欲下先偷眼  
粉蝶如知合斷魂  
幸有微吟可相狎  
不須檀板共金樽

剪綃零碎點酥乾  
向背稀稠画亦難  
日薄縱甘春知晚  
霜濃應

怯夜來寒澄鮮祇共鄰僧惜冷落猶嫌俗客看憶著江南舊行  
路酒旗斜拂墮吟鞍

吟懷長恨負芳時為見梅花輒入詩雪後園林纔半樹水邊籬  
落忽橫枝人憐紅艷多應俗天與清香似有私堪笑衆鄉亦風  
味解將聲調角中吹

蝶

細看雙聳敵秋毫冉冉芳園日幾遭清宿露花應自得暖爭風  
絮欲相高情人沒後魂在傲吏齊來夢亦勞閒掩遺編苦堪  
恨不并香草入離騷

送范希文寺丞

林中蕭寂款吾廬疊疊猶欣接緒餘去權看當辨江樹離尊聊  
為摘園蔬馬卿才大常能賦梅福官卑數上書黼座垂精正求

治何時條對召公車

送馬程知江州惠安

酒酣無復耿離腸一路之官盡水鄉公解寒生對廬阜客帆風  
定泊潯陽陂涵洲渚初收潦露浥蒹葭未作霜到日何人先刺  
謁二林開士在琴堂

寄宣城宗言姪

春水涵波綠渺瀰江南芳草又離離謝家元住青山郭邵氏近  
攀丹桂枝衣下香囊非爾好林頭詩卷媿吾癡中林獨處仍多  
病蚤晚能來慰所思

寄太白李山人

顏如童子髮如鬢卜築溪當太白西身上只衣麕直裰馬前長  
帶古偏提鷓鴣懶擊三千水龍虎閒封六乙泥幾度枕肱人跡

外半牕松雪論天倪

歷陽寄金陵衍上人

蘚暈莎籠古石旁寺和松竹背秋岡  
騷吟未斷雲生壑梵偈重開月照香  
五老舊遊應悄默六朝閒事肯悲涼  
西州獨客心搖甚抹碧江天鳥一行

寄題歷陽馬文仲水軒

占得幽居近郭西水軒風景獨難齊  
烟含晚樹人家遠雨溼春風燕子低  
紅燭酒醒多聚會粉牋詩敵幾招攜  
旅遊今日堪搔首搖落山城困馬蹄

暮春寄懷曹南通守任寺丞

跌蕩情懷每事同十年曹社醉春風  
彈弓園圃陰森下碁子廳堂寂靜中  
赤脚我猶無一婢黑頭君合作三公  
江湖今日還勞

結日送歸飛點點鴻

和陳湜贈希社師

瘦靠闌干搭梵襟綠荷階面雨花深  
迢迢海寺浮杯興杳杳秋空放鶴心  
齋磬冷搖松吹雜定燈孤坐竹風侵  
鏘然更有金書偈祇許神龍聽靜吟

集賢李建中工部嘗以七言長韻見寄感存懷歿因用追

和

清絕門墻冷似冰野人懷刺昔曾登  
新題對雨分蕭寺舊夢經秋說杜陵  
負典麗符資月給老持臺憲減秋稜  
開元文字鍾王筆惆悵臨風一燼燈

讀王黃州詩集

坐吟行看對清秋懶架仍移近枕頭  
放達有唐惟白傳縱橫吾

宋是黃州左遷商嶺題無數三入承明筆未休紅藥紫薇足千古又添揚子畔牢愁

孤山隱居書壁

山水未淡猿鳥少此生猶擬別移居直過天竺溪流上獨樹為橋小結廬

池上作

簇簇菰蒲映蓼花水痕天影蘸秋霞分明似箇屏風上飛起鷓鴣一道斜

葑田

淤泥肥黑稻秧青澗蓋清流旋生擬倩湖君書版籍水仙今佃老農耕

山中寒食

氣象纔過一百五且持春酒養衰年中楚不是不禁火其奈山櫻發欲然

秋江寫望

蒼茫沙嘴鷺鷥眠片水無痕浸碧天最愛蘆花經雨後一蓬烟火飯漁船

詠諸葛退筆

神功雖缺力終存架琢珊瑚欠策勛日暮閒牕何所似灞陵憔悴故將軍

答潘司理

庭柯雪壓已如春乘興山陰亦少人岑寂園廬何所對酒中賢聖藥君臣

即席送江夏茂才

與君未別且酣飲別後令人空倚樓一點風帆若為望海門平  
濶鷺濤秋

狸奴

纖鈎時得小溪魚飽臥花陰興有餘自是鼠嫌負不到莫慚尸  
素在吾廬

自作壽堂因書一絕以誌之

湖上青山對結廬墳前秋色亦蕭疎茂陵他日求遺稿猶喜曾  
無封禪書

宋元詩會卷之七

皖桐陳

焯默公輯選

後學程

仕松皋叅較

韓琦

字稚圭相州安陽人弱冠舉進士名在第二方唱名太史  
奏日下五色雲見左右皆賀授將作監丞通判淄州八直  
集賢院監左藏軍歷開封府推官三司度支判官拜右司  
諫奏罷宰相及參政無能者四人凡事有不便輒極言之  
由知制誥安撫益州活饑民百九十萬副夏竦為陝西經  
略招討使尋兼安撫秦鳳與范仲淹咸名同重一時天下  
稱為韓范入為樞密副使以羣小多異議請外任嘉祐元  
年拜同中書門下平章事封儀國公力請定儲英宗立太  
后垂簾聽政寺人構兩宮成際賴琦調護人情乃安及還  
政拜右僕射封魏國公再請英宗建儲以安社稷神宗即  
位進司空兼侍中六年十  
八薨贈尚書令謚忠獻

啄木

剝剝復卜卜意若念良木營營求蠹心未獲空我腹或露一禱  
紅或展隻翅綠捷綠都盧撞響弄羯鼓曲搜索不知疲利嘴信

推禿忽爾破奸穴種類無遺族內孽固難辨一發知潛伏彼實  
害珍材盡殄此非酷直疑天意淡不使嗜梁肉專為衆蠹仇待  
飫弗與足如今知庶味恣擇蟲與粟杞梓任陰賊長啄罷攻觸  
飽食作羣飛時下泉沼浴歸鳴涼樹陰暮趨高枝宿

### 苦熱

皇祐辛卯夏六月朔伏暑始伏之七日大熱極炎苦赫日燒扶  
桑焰焰指亭午陽鳥自焦鑠垂翅不西舉炙翻四海波天地入  
烹煮蛟龍窟潭穴汗喘不敢雨雷神抱桴逃不顧車裂鼓豈無  
堂室淡氣鬱如炊釜豈無臺榭高風毒如遭蠱直疑萬類繁盡  
欲變脩脯嘗葷崑閭間別有神仙宇雷散滌煩襟玉漿清濁腑  
吾欲飛而往於義不獨處安得世上人同日生毛羽

### 畫錦堂

古人之富貴歸於本郡縣譬若衣錦遊白晝自光絢不則如夜  
行雖麗胡由見事累載方冊今復著俚諺或紆太守章或擁使  
者傳歌樵忘故窮滌器掩前賤所得快恩仇愛惡任驕帽其志  
止于此士固不足羨茲予來舊邦意弗在矜衒以疾而量力懼  
莫稱方面抗表納金節假守翼鄉使帝曰其汝俞建燾往臨殿  
行路不云非觀歎溢郊甸病軀詣少休先隴遂完繕歲時存父  
老伏臘潔親薦恩榮孰與偕哀劣愧獨擅公餘新此堂夫豈事  
飲燕亦非張美名輕薄詫紳弁重祿許安閑顧已常兢戰庶一  
視題傍因念報主春忠義聳大節匪石烏可轉丹忱難悉陳感  
泣對筆硯

### 和袁陟節推龍興寺芍藥

廣陵芍藥真奇美名與落花相上下落花年來品格卑所在隨



人趨高價接頭著處騁新妍輕去本根無顧藉不論姚花與魏  
 花只供俗目陪妖姹廣陵之花性絕高得地不宜歸造化大豪  
 大力或強遷費盡擁培無艷冶東君固是花之主千苞萬萼從  
 榮謝似矯束君汎愛心枉殺東風不肯嫁遂令天下香名髻  
 髻丹青競誇詫以此揚花較洛花自合揚花推定霸其間絕色  
 可麤陳天工著意誠堪訝仙家冠子鏤紅雲金線妝治無匹亞  
 旋心體弱不勝枝寶髻敲斜猶墮馬冰雪肌膚一纈斑新似守  
 宮明似赭雙頭兩兩最多情象物更呈鞍面窠樓子亭亭欠姿  
 媚特有怪狀堪圖寫見者方知畫不真未見真疑傳者詐前賢  
 大欲功賦詠片言未出心先怕天上人間少其比不似餘芳資  
 假借我來淮海涉三春三訪龍興舊僧舍問得龍興好事僧每  
 歲看承不敢暇後園栽植雖甚著及見花成由取捨出群標致

必驚人方徙矮壇臨大厦客來只見軒檻前國艷天姿相照射  
 因知霧種本自然須憑精識能陶冶君子果有育材心請視維  
 揚種花者

按詩內治韻重押或  
以音同而義別也

答章望之秘校惠詩求古瓦硯

魏宮之廢知幾春其間萬事成埃塵惟有昭陽殿瓦不可壞埋  
 沒曠野迷荒榛陶甄之法世莫得但貴美璞瑜方珉數百年來  
 取為硯墨光爛發波成輪求之日盛得日少片材無異圭璧珍  
 巧工近歲知衆寶雜以假偽窺錢緡頭方面凸槩難別千百未  
 有二三真我來本邦責鄴今朝搜暮索勞精神遺基壞地徧刊  
 窟始獲一瓦全元淳蘇斑著肉尚乾翠夜雨點漬痕如新當時  
 此復近簷溜印以篆字花其唇磨礮累日喜成就要完舊質知  
 無論吾才寡陋不足稱思與好古能文人好古能文人今者誰武

寧秘書表章民無詩尚欲兩手付何況大雅之奏香鏗鈍一作鈞

寓目

擁傳修途倦逢春旅思長遠煙含樹色細雨起塵香隴麥成行  
綠林鶯並對黃揚鞭聊自慰舉目見韶光

春晴

霽色破春昏高樓日未曛林梢零舊雨山頂入殘雲醉粉勻花  
頰風羅皺水紋踏青人誤約芳思幾紛紛

春林

咫尺東郊露春霖絕未通銷閑生奕思醒睡費茶功樓迴昏昏  
霧牕寒霎霎風待晴桑陌上五馬恣璉瓏

後園春日

并塞園林古春來似不知雨輕成凍易樹老發花遲劇事隨年

倦歡悵入病哀芳時期強賞宴鼓揭天搥

和春卿學士上元羅燈

絲竹沈聲月泛波警宵方喜罷誰何樓深酒密客面易路遠香  
殘人去多寒燭倚蓮猶結淡淡雲歸隴不停歌那知夢穩瀛州

上正是鈞天九奏和

是夕館宿聿  
宮中奏樂

謝丹陽李公素學士惠鶴

高籠攜得意何勤玉樹慚無可待君只愛羽毛欺白雪不知魂  
夢託青雲孤標直好和松畫清暖偏宜帶月聿自有三山歸去  
路莫辭時暫處鷄羣

北塘春雨

葉葉輕雲帳薄羅坐看膏澤灑庭柯風前芳杏紅香減煙外翠  
楊綠意多聲落簷牙飛短瀑點勻池面起圓波晴來西北凭欄

望拂黛遙峰濯萬螺

暮春康樂園

榆莢紛紛擲亂錢  
柳花相撲滾新絲  
一年寂寞頻來地  
三月芳菲已過天  
樹密只喧閑鳥雀  
臺高猶得好山川  
病夫不飲時如此  
徒有詩情益自然

春陰馬上

正是風和日暖天  
重陰凌擾苦纏綿  
蕉心自結憑誰展  
柳眼慵開只待眠  
草溼漫鋪留醉席  
榆寒難擲買春錢  
幾時霞外氛霾散  
放出紅輪一文圓

登廣教院閣

岑寂禪扉啟畫闌  
公餘為會一開顏  
高臺面壘包平野  
老柏參天礙遠山  
花去春叢蝴蝶亂  
雨勻朝圃桔槔閑  
徘徊軒檻石時

下直待前枝倦鵲還

北塘避暑

盡室林塘滌暑煩  
曠然如不在塵寰  
誰人敢議清風價  
無樂能過白日閑  
水鳥得魚常自足  
嶺雲含雨只空還  
酒闌何物醜魂夢  
萬柄蓮香一枕山

暮春書事

榆莢空飛不算錢  
韶光歸速置何緣  
惜春情味過年少  
戰酒英雄退日前  
竹筍迸堦抽兕角  
楊花鋪水漲龍涎  
妖妍萬變成凋謝  
長養須資大夏權

乙卯畫錦堂同賞牡丹

從來三月賞芳妍  
開晚今逢首夏天  
料得東君私此老  
且留西子久當筵  
柳絲偷學傷春緒  
榆莢爭飛買笑錢  
我是至和親植

者雨中相見似潜然

九日水閣

池館隳摧古榭荒  
偶延嘉客會重陽  
雖慚老圃秋容淡  
且看寒花晚節香  
酒味已醇新過契  
蟹黃先實不須霜  
年來飲興哀難強  
漫有高吟力尚狂

壬子十一月廿九日大雪

近臘猶慳六出繁  
忽驚盈尺及民寬  
萬方蒙澤人人賀  
通夕無風陣陣乾  
危石蓋深監虎陷  
老枝擎重玉龍寒  
欲知靈鷲銀為界  
試陟高樓一望看

和春卿學士柳枝詞

五首

陌闌宮古綠煙迷  
惹盡春愁困拂堤  
卻為多情足離恨  
故教溝水亦東西

淡煙輕日簇誰家  
微出青旂一帶斜  
對景似嫌春意老  
更搖疎影掃殘花

画橋南北水連天  
纔聽鶯聲又晚蟬  
長使離魂容易斷  
春風秋月自依然

曲江風暖曉陰斜  
翠色相宜拂鈿車  
自是春眼慵未起  
日高人困又飛花

葉葉新長約黛蛾  
絲絲輕軟任風梭  
啼鶯便學歌喉轉  
知是春來舞多意

文彥博

來舞多意

字寬夫汾州介休人及進士第知翼城縣通判絳州為監察  
母異之曰貴人也及進士第知翼城縣通判絳州為監察  
御史詔置獄河中鞠治黃德和誣劉平降叛得實德和就  
誅名震中外以直史館遷轉運使知秦州益州召拜樞密  
副使參知政事出為貝州宣撫使定王則之亂械則送京  
師使同中書門下平章事集賢殿大學士以御史唐介劾

奏罷為觀文殿大學士出知許州尋復平章事與富弼同  
 拜時以得人為慶至和三年正月仁宗不豫內侍史志聰  
 等詭秘無狀彥博與同列劉沆富弼謀廢熙大慶殿因留  
 宿殿廬帝疾愈彥博等始歸第當是時京師人情洶懼賴  
 此以安久之出判河南府避國公英宗即位知知其首建  
 立儲之議甚德之彥博避不敢當除侍中熙寧間為王  
 安石所惡力引去元豐三年拜太尉復判河南會王同老  
 言至和中議儲事神宗追念前勲益加寵過因請老以太  
 師致仕元祐初命平章軍國  
 重事堯年九十二諡忠烈

燕川渡

蚤過燕川渡千峰挿太虛雲開微見日水淺不侵車風急樵歌  
 響霜嚴木葉疎綠溪東北去巖後有精廬

関山月

蕩子久行役遼西戍未還佳人怨遙夜清淚浥朱顏薛梅蘭閨  
 寂塵昏寶鏡閒相思不相見明月下関山

送彌陀實師訪積慶西堂順老

好去三摩地相逢兩會家禪心究實際慧眼絕空花香在東林  
 日常烹北苑茶願將甘露味餘灑濟河沙

端居多暇懷洛成詩家運使兵部俯垂屬和賦謝

倦翼念歸林幽懷動越吟更回谿叟信波契野雲心巴里傳高  
 唱英韶繼善音便須傳洛社紙價重千金

留守相公寵示東田讌集詩依韶奉和

嘗同徐勉構東田花竹成陰雨後天為愛霜臺覓白簡得隨津  
 閣看紅蓮清樽屢醕吟情逸翠袖頻翻舞態妍歸興直須三鼓  
 盡月華應是十分圓

留守相公用雅章召赴東樓再次來韶

朱樓華閣府園東蝸陋仍依美庇中儉幕濃嚴逢綠水楚臺高  
 迴快雄風四絃清切呈新曲隻袖蹁躑試小童况是元規興不

淺歸軒爭敢便匆匆

知府學士堯夫寄詩曲念哀老依韻和呈

幾年洛社盍朋簪照席瓊枝秀出林月夕同遊詩筆健花時共  
賞酒杯深帝綸中出榮開府使節西馳愴判襟遠寄住意念衰  
朽知君最有歲寒心

西歸日瓊林苑賜宴卽席

窈祿叨榮四紀餘退思僥倖亦無如趨朝再覩新宮省解綬還  
歸舊里廬報國丹心明皎皎戀軒疲足去徐徐群公盡出都門  
祖盛事先于漢二疏

臣伏蒙聖恩今月二日就瓊林苑特遣中使寵賜御詩曲  
推恩禮過獎愚臣感愧之深負荷弗克輒課愚陋恭和  
聖製

老臣為感聖恩殊趣治輕裝覲帝居錫宴便蕃親鳳宸賜章重  
疊捧龜書康時有志才終短報國無功術已疎身在洛陽心魏  
闕願傾丹懇上公車

送圓明大師歸吳興

數曲清琴達舜聰瑤津仙苑助熏風朝端多士知音久雪上故  
棲歸思濃命服鮮華新爛熳行裝輕簡舊焦桐鄉人若問大檀  
越盡在名經干部中

謝事歸老洛陽留守相公玉汝寵惠佳篇賦答

二聖恩深念老臣許從休退樂伊濱重觀景物皆塵迹喜見居  
留是故人林下放懷無簡束樽前道舊長精神公雖久作東田  
伴卻佇黃樞秉化鈞

野意

引得清伊一派通三灣相接勢無窮便成渺渺江湖趣更有蕭  
蕭蘆葦風西洛當年為勝地東田今日屬衰翁藥園事跡分明  
在盡見雲鄉舊記中

和吳諫議寄題廣化寺

淨居高揭四禪天更對伊嵩闢廣軒塔聳千花依鷲嶺舟浮一  
葉上龍門雲藏古木當危檻風遞疎鐘過遠邨我有草堂南澗  
口但逢西望欲銷魂

次韻留守相公玉汝見東

東郊瘠土纒千畝繞舍團椒僅百家地接玉泉多艸木路經維  
嶺少風沙能留過客雖無饌時對清尊亦有花替日相君曾降  
顧常憂蝸陋不容車

次韻秦師經畧呂通議過洛少留

嘉過西都暫解鞍尊前不惜醉醺顏推襟道舊從容久落筆成  
詩頃刻間塞外定知威令肅幙中常得雅歌閒相門出相歸人  
望瑣闥難淹侍從班

奉陪伯溫中散程伯康朝議司馬君從大夫席于所居小

園作同甲會

四人三百十二歲況是同生丙午年招得梁園工賦客合成商  
嶺採芝仙清談疊疊風盈席素髮飄飄雪滿肩此會從來誠未  
有洛中應作画圖傳

荅龐相許枉過家園不果先以詩來次韻

一塵幽趣斗城西竹映軒牕柳拂堤園吏每誇風物美主人常  
歎簿書迷碧池荷動觀魚戲朱檻梧傾待鳳棲惟願毗耶長者  
至莫憂花裏有鶯啼

清明日玉津園賜宴即席

節應桐華始筵聞禁苑新推恩緣舊物加惠及陳人衆樂聞天  
奏同寅會柄臣蘭肴享豐潔桂醕酌芳醇覆育需雲廣涵濡湛  
露均桑榆垂晚景何路報堯仁

遊東田八韻

文物平津閣風流太傅山勝遊松島外故迹藥園間霜部編為  
屋寒荆刈作閑牕檣雲漠漠畦實水潺潺蘆渚炊煙起萍渚釣  
艇還竹經朝雨翠荷惜夕陽殷幽興能招隱高情自愛閒從來  
行樂處攜手一開顏

提舉端明見示三

春光坐欲盡夏景漸增添鬱鬱松篁茂蕭蕭風雨兼花心隨絮  
落屐齒被苔粘巧囀鶯遷木驚飛燕入簾蝦鬚穿曲沼虎爪度  
前簷坐久香銷炷吟多筆費尖雲容方靄靄日色未炎炎舞鶴  
傾丹頂遊龜散綠髯命賓常務率出令更須嚴詩詠當階藥書  
尋傍架籤蘭芬衣可襲露潤草俱沾貴近辭金馬編脩賜玉蟾  
高歡惟自適獨樂未嘗厭赤白曾諾丙丹青每謂閻冲和綠養  
浩寂寞為安恬身處貧無愧心貪道不廉成文推大手濟用鄙  
輕縑視履循清節祈恩陋雜占聳韶欣鳳舞在藻爰魚潛鱸膾  
思漁艇貂冠望酒帘聖時非吏隱賢業繫民瞻撫事惟公論搗  
辭乃自謙保躬誠易退康世義難淹類句慙無取酬言幸不嫌

次韻留守相公同遊龍門

鑿開青嶂啟天門直瀉伊流淺汝潁八節驚濤鼉振鼓千花寶  
塢鴈翔雲崑隈雨過飛泉漲谷口風回墮葉紛龕穴隆宮三像  
列樓臺葉煥兩崖分方陪茜旆來尋勝不就蒲餐趣茹葷北里



笙竽皆擁從東山羅綺半酣醺升堂共覩儲仙貌策杖同尋古  
 士墳喜脫貂冠親野老幸隨熊軾附邦君林巒岑寂真堪賞市  
 井喧譁漸厭聾人度長川猶隱映香銷古殿尚氤氳周生歸後  
 蘭重佩荀令行時蕙更熏曉露未晞珠滴淚秋花爭發錦挑紋  
 羣娃散步塵生襪小舫爭登水濺裙釣叟旁觀皆歡羨禪師迎  
 謁盡歡欣既無冗局羈閒迹忍促回軒背夕曛得向石頭溪上  
 飲從今遂不畏移文

耆老會詩

九老唐賢形繪事元豐今勝會昌春垂肩素髮皆詩彥揮塵清  
 談盡席珍染翰不停詩思健飛觴無算酒行頻蘭亭雅集誇脩  
 禊洛社英遊忝序賓自愧空疎陪几杖更容疑密奉簪紉當年  
 尚齒尤多幸十二人中第二人

憩鶴堂

再到靈都訪勝遊青山依舊白雲秋燒丹帝子今何在憩鶴仙  
 人跡尚留

題郭熙畫

淺水澗山曲逕通樵夫涉水出林中可憐画笔多情思寫入霜  
 紈一扇風

答吳幾復

君說歸期未有期西風又是繪鱸時何當會集香山伴同赴松  
 牕竹下棋

上巳阻雨

林花脉脉怯朝煙雨隔蘭亭曲水筵欲買春花無定價東風撩  
 亂擲榆錢

宮詞

體輕浸不勝鸞釵常羨同心上苑梅翠輦未過珠箔卷漆盤猶貯夜明苔

張俞

字少愚益州郫人少俊偉有大志屢舉不第用薦除秘書省校書郎願以授父顯忠而自隱于家文彥博治蜀為築室青城山白雲谿以處之母歿再菴益酪未嘗入口所持柳杖植墓旁忽生枝葉後至合抱凡六召不起卒其妻蒲氏賢而有文為誄詞甚傳于世

府衙新書堂

志士營道日築室養賢名鋤荒出幽邃掃室迴虛明山嶽凌墻壁溪塘瀉牕楹蘭蕙露景晚松桂秋風生琴瑟嫻古奏樽罍湛寒清默意馳萬象遊心覽八紘羣經互粲粲百氏紛營營禮樂立制作文章縣準程唐虞化已遠周禮道尚行師友得正士講

論無俗聲邪哆不可入紛華固難傾修辭力工巧厲學逾農畊天爵既自後人文取其榮元侯方作鎮列士爭獻成學校溢都市謳吟洽黎氓寧同稷下議飽食談縱橫

宴萬州西山池亭東魯使君

西嶺鬱盤紆寒泉注原隰下有龍池何年此殊極復為鼉鼉據亂我清泉色松幹已交摧石牙空聞立魯侯獨窮勝公暇日尋陟瀉滌潢汙流宛如疏鑿力池光復涵徹萬象如鏡入亭觀出浮雲彤彤映邦域左右浮屠宮巋然爭業岌昔乃荆棘荒今為蘭蕙襲密樹低華陰嘉禽弄文翼使君池上宴何減襄陽習

越公堂

越公作隋藩烈烈耀威武駐馬白帝城營營歷巴楚俯瞰萬里流徘徊覽千古鬼工役精魄梓制銜刀斧四阿無欒櫨大厦惟

柱礎碎嶮露節角虜窟轉檐廡丹漆久磨滅風雲尚吞吐

蠶婦

昨日到城郭歸途淚滿巾遍身羅綺者不是養蠶人

金剛臺

霧山環合自雲川戶有清溪種玉田萬本桃花不知處幾人曾  
得問秦年

石延年

字曼卿由幽州徙宋城為人跌宕任氣讀書通大畧于  
詩最工累舉不第真宗祿二舉進士為三班奉職延年恥  
不就張知白教奇之日母老乃擇祿即延年不得已就命  
以右班殿直改常祝知金鄉縣有治名兩為通判擢館閣  
校勘歷光祿大理寺丞  
遷中允判登春鼓院卒

送劉潛歸陶丘

丈夫未大用身與仁義間可堪更聚散風塵摧其顏君今歸柯

澤路出梁宋間梁宋有吾廬親老待兒還矧復君先歸因之頭  
益斑春老有時回人老不再少草白有時榮髮白不再好人生  
不如春髮生不如草生別春草前人意先春老

瀑布

飛勢挂岳頂無時向此傾玉虹墜地色銀漢落天聲萬丈寒雲  
溼千巖暑氣清滄浪何足羨就此濯塵纓

金鄉張氏園亭

亭館連城敵謝家四時園色聞明霞牕迎西渭封侯竹地接東  
陵隱土瓜樂相意閑禽對語生香不斷樹交花縱遊會約無留  
事醉待參橫月落斜

曹太尉西師

仁者雖無敵王師尚有征獨乘金廐馬都領鉄林兵肅氣闔河

暮屯烟部落晴旗光秋燒合甲色夜江橫士喜擊中鼓敵疑聞  
後鉦寒鑰博望塞春宴隗囂城外使窅心伏旁資帝道平公還  
如画像為贊學班生

黃亢

字清臣建州浦城人少奇穎年十五以文謁學士章得象甚奇之遊錢塘投詩林逋道尤激賞王隨知杭州奏禁西湖為放生池亢作詩數百言目諷士人爭傳誦焉詩號東溪集

臨水

人生朝復暮水波流不駐去年此日水今日到何處惆悵雨殘  
花媽紅隨水去花落水東流識盡人生事

呂夷簡

字坦夫其先萊州人徙壽州進士及第補絳縣軍事推官遭大理寺丞通判通州徙濠州歷知濱州擢提點兩浙刑獄遷祠部員外郎為建宮觀奏恤工徒真宗曰是有為國愛民之心改刑部員外郎兼侍御史知雜事改起居舍人

知制誥進龍圖閣直學士權知開封府有治聲上為書名御屏宗仁即位拜右諫議大夫參知政事進戶部侍郎同中書門下平章事罷為武勝軍節度事判陳州謚出郭皇后者意也歲中奪簡復相遂主廢郭后之議時論少之會與王曾廷辯罷知天雄軍未幾以右僕射再入相封許國公以太尉致仕薨謚文靖有集二十卷

江南立春日

仄律何時應江春作夜來細風先動柳殘雪不藏梅餘冷迷清  
管未和發凍醒閉門無客到樽俎為誰開

天華寺

賀家湖上天華寺一一軒窗向水開不用閉門防俗客愛閒能  
有幾人來

張瓌

字唐公洎之孫也舉進士以妻父王欽若嫌召試學士院賜第進祕閣枝理同知太常禮院謚錢維演日文墨其子上訴瓌條對甚切終莫能奪乃賜謚日思判吏部南曹歷推官轉運使

寄題徑山懷郎簡侍郎

天地一州渚北平南欹危幽并浚以厚江制清且奇武林頗英  
秀川匯仍山卑應接殫天巧類非人力為徑山最佳處有巖稱  
玉芝居防俗士駕地乃賢人宜郎公留名德平時為羽儀引年  
歸故里不復衣朝衣留侯黃石心白傅香山期結宇名勝外日  
與塵事違伊予來東藩濫持使者麾當侯秋風高遠造巖下扉  
澣濯纓上塵散步松間綦未能繼高躅聊用慰所思

郎簡

字叔兼杭州臨安人幼孤負借書錄之多至成誦進士及第補試秘書省校書郎知寧國縣真宗嘗曰簡歷官無過而無一人薦是必恬于進者改著作佐郎知分宜縣擢祕書少監知廣州入判大理寺以工部侍郎致仕年八十九

訪徐冲晦

湖上訪高士徑溪行綠苔應聞山犬吠知是野人來岸幘出相

接柴門自為開林間清話久薄暮傍舟回

曹汝弼

歛之休寧人天禧祥符間所謂詩人曹夢得是也有詩一百五十首行世曰海寧集職方舒雅序之其後嗣昌盛舉進士登仕籍者數十人

中秋月

年年相對賞永夜坐吟沐泉望自疑別孤高非異常園林分淨  
影臺榭起餘光誰以蟾宮客得攀仙桂香

懷寄披雲峰誠上人

院高窮木野極靜無言險路通巖頂香泉出石根微風飄磬  
韻幽鳥啄苔痕常記相留夜秋堂共聽猿

再寄

江城從別後聳說在松間度日長扃戶終年不下山靜為詩所

役閒免事相閑應喜雲邊客冥控鬢未班

贈披雲峰岳長老

禪外掩松局閒眠度歲陰雨侵香篆溼苔長履痕浚水在銅餅  
冷雲歸玉磬沈前山有靈藥時策杖藜尋

贈僧

一從叨命服乘輿入天台院接石橋住門臨瀑布開松間應獨  
坐雪裏更誰來時復攜藜杖看雲上古臺

喜友人過隱居

忽向初春候閒遇隱土家旋收松上雪來煮雨前茶禽換新歌  
曲梅妝隔歲花應慚非遁者難久在烟霞

富弼

字彥國河南人少薦學有大度范仲淹見而奇之曰上佐  
方也仁宗復制科舉茂才異等授將作監丞簽書河陽判

官召知諫院所陳奏皆關中外大利害上多從之以事忤  
宰相呂夷簡因薦弼報聘出塞意如盧杞之陷顏真卿而  
弼毅然就道卒能伸國威以全和好遷翰林學士進樞密  
副使皆固辭不拜上再三示特用之意非為使遠故始受  
命久之為夏竦所中請外出知鄆州歷京東路安撫使活  
飢民五十餘萬人至和二年召拜同中書門下平章事與  
文彥博並命士大夫相慶于朝嘉祐六年以母憂去位詔  
為特罷春宴英宗立封祁國公進封鄭熙寧二年以左僕  
射門下侍郎同平章事時王安石柄用弼度不能爭章十  
上求退加拜司空進封韓國公致仕年八十薨謚文忠

定州閱古堂

天下十八道惟河北最重河北三十六州軍就其中又析大  
名府定州真定府高陽關為四路惟定州最要定為一路治  
所寔天下要重之最知是州者兼本路兵馬都部署居則治  
民出則治兵非夫文武才全望傾于時者不能安疆場屏王  
室也然自國初已來專以武臣帥諸路慶曆七年甘陵妖賊  
據城叛河北妖黨相搖以謀應卒驕將懦人心大震天子悟

始議遜儒臣師四路以督諸將廼起知鄆州資政殿學士給事中昌黎韓公帥真定以遏亂萌明年春賊誅人安既而夏大雨河決商胡東北入于海河北人復不寧流徙失業者四出咸不翅千里僵殍滿道天子恤然且虞他姦遂以公帥定定既要重天下宿兵素多屬傷殘之後官民枵困征賦逃無幾而兵不少減兵襲舊幸歎益驕以悍公夙夜裁整以威以懷兵之驕不從令者捽其首惡斬以徇略為條教餘怙怙就約不敢譁于室至有調發者遠而彌戢如公親臨已而招集逋亡四流爭還如啼孩奔父母惟恐其後至則克然各得其欲農無廢隴賦有餘粒不旁誅橫斂而上下足堙漏補罅一面完固公既擊疆梗之兵又育彫瘵之民左行斧鉞右哺飲食亂者畢治亡者畢存禮法政教向之人所不得蚤者今

漸濡酣飲無不貫徹自是邊人革其耳目新其肝腸優為而樂從故人易治而功成速也又明年秋天子圖公之功詔加大學士公先嘗表其志幸終三年不願亟易也至天子抑騎召而使即以授姑遂公請亦以慰斯人愛公之心也公惕寵處官雖無事未嘗輒自豫念兵與民之急宜無過者矧臨要重之路憂虞所繫凡是謀畫不以可無法乃擇取歷代賢守良將總若干人行事創大屋以類相次繪于周壁榜之曰閱古堂蓋欲閱古之人所為而為之法也噫公雅文傑武自當視乎古人且天下方遲公入輔以致太平若其安疆場屏王室豈庸考古而後能哉寔公冲然不是有其有而歸乎古人也其縣知來者不師繪事而公是師也雖然躡古蒐善惠人警已公之意謂其至矣乎公郵問索詩因粗序所致之旨以

誌其始而示於後詩曰

朔方之兵勁于九土尤勁而奧要惟定武兵勁在馭用則羅虎  
 失馭而勁驕不可舉曰保曰貝閉壁連阻武爵斯守束手就鹵  
 皇帝曰噫汝武曷取有弊必革以勤于撫公來師定始以威怒  
 有兵悍橫一用干斧連營恒之膽栗腰偃既懼而教如舖如乳  
 以刺以射以鉦以鼓無一不若師師旅旅列城自刺靡不和附  
 陰沴為梗降此大雨大河破洩在河之澣民被黷墊田入汚莽  
 流離蕩析不得其所公感曰吁予敢寧處迺大招來乃大保聚  
 乃營帛粟寒衣饑茹民歸而安水下孰禦強弱成生由公復慮  
 曰義曰仁震肅春煦合和蒸天天順以序公境獨稔爰麥爰黍  
 公俗獨樂夫耕妻杼人雖曰康公亦奚豫謂此一方民與兵具  
 務劇任重稽古其裕人皆謂公與古為伍公文化民公武德備

何思古人公不自許遂擇奇匠繪于堂宇列其行事指掌可數  
 前有古人在我門戶後有來者依我墻堵斯堂勿壞有堂有故  
 堂之不存來之曷覩宏乎煥乎千載是矩

涵虛閣

画閣高連百雉城涵虛應不愧標名門前柳色兼旗色座上琴  
 聲雜佩聲宵羨五湖歸范蠡未饒三徑隱淵明我來恰值初晴  
 後山色波光分外清

唐介

字子方江陵人父沒漳州漳人知其負合錢以贖介年尚  
 幼悉謝不取擢第為武陵尉調平江今知莫州任丘縣縣  
 當遷使往來素苦誅索介至皆帖伏以去入為監察御史  
 裏行轉殿中侍御史會張堯佐除四使論奪其二因劾宰  
 相文彥博守蜀日造奇錦媚宮掖以得執政復用堯佐自  
 固請罷之帝怒貶春州別駕改置英州由是直聲動天下  
 無何復召為御史言事益無所顧他日自請職連歷外  
 任入為待制復知諫院以論罷陳升之出知洪州治平元



年召為御史中丞明年以龍圖學士知太原府熙寧寧元  
年拜參知政事教與王安石爭論安石強辯而帝主其說  
介不勝憤疽發于背薨年  
六十贈禮部尚書謚質肅

寄杭州孫資政

何人富貴不圖安大抵為臣節欲完手執樞機謀國易心存忠  
義入時難臨風未覺龍媒老衝斗誰知劍氣寒天子聖神思舊  
德有教旌馭久盤桓

宋元詩會卷之八

范仲淹

焯然公輯選

後學程

仕松皋叅較

范仲淹

字希文其先邠州人後徙家蘇州吳縣仲淹二歲而孤母  
再適長山朱氏從其姓遂名朱說既長知其家世乃感泣  
辭也舉進士第為廣德軍司理參軍迎母歸養改集慶軍  
節度推官始復姓更其名監泰州益稅用晏殊薦為祕閣  
校理每發憤論天下事無所避一時士大夫矯厲尚風  
節自仲淹倡之仁宗知其忠進右司諫會郭后廢伏閣爭  
之不得出知睦州徙相州拜尚書禮部員外郎累遷吏部  
權知開封府忤宰相呂攸簡罷知饒州元昊反召為天章  
閣待制知永興軍改陝西都轉運司副夏竦經畧兼知延  
州規畫戰守帝悉從其議無何以通書元昊降命因築州  
環慶路經畧緣邊招討使賞罰嚴明諸眾受命因築州  
之賊遁去帝為嘉慶進樞密直學士右諫議大夫尋與韓  
琦開府涇州同領經畧號令明白愛養士卒賊不敢犯境  
元昊請和召拜樞密副使改參知政事帝力銳意太平開  
天章閣召二府條對仲淹上十事皆採用之出于僥倖者  
不便自是謗毀稍行而朋黨之論起矣因邊警出為宣撫

使及去攻者益急遂自請罷政事以戶部侍郎如青州卒年六十四贈兵部尚書謚文正

謝黃惣太博見示文集

松桂有嘉色不與衆芳期金石有正聲詎將羣響隨君子著雅言以道不以時仰止江夏公大醇無小疵孜孜經緯心落落教化辭上有帝皇道下有人臣規邈與聖賢會豈以富貴移誰言荆棘滋獨此生蘭芝誰言鼃黽繁獨此蟠龍龜豈徒一時異將為千古奇願言周召風達我堯舜知致之諷諫路陞之誥命司二雅正得失五典陳雍熙頌聲格九廟王澤及四陸自然天下文不復迷宗師

農

聖人作耒耜蒼蒼民乃粒國俗儉且淳人足而家給九載襄陵禍比戶猶安輯何人變清風驕奢日相襲制度泮唐虞賦歛由呼吸傷哉田桑人常悲大絃急一夫耕幾壠遊惰如雲集一蠶吐幾絲羅綺如山入太平不自存凶荒亦何及神農與后稷有霧應為泣

寄題孫氏碧鮮亭

天地何風流復生王子猷黃金買碧鮮綠玉排清秋非木亦非草東君歲寒寶耿耿金石生雪霜不能考清風乃故人徘徊過此君泠泠鈞天音千載猶得香應是聖賢魄鍾為此標格高節見真清霧心隱虛白粉筠多體貌錦籜見兒童上交松桂枝下結蘭蕙叢秀氣靄晴嵐翠光凝綠水明月白露中靜如隱君子不願湘靈泣不求伶倫吹鳳凰得未晚蛟龍起何時蕭蕭雲水間良興主人宜綠塵滿浮世何當拂長袂坐嘯此亭中行歌此亭際逍遙復逍遙不知千萬歲

明月謠

明月在天西初如玉鈞微一夕增一分堂堂有餘輝不掩五星  
耀不礙浮雲飛徘徊河漢間秀色若可餐清風起叢桂白露生  
塔蘭高樓望君時為君拂金徽奏以堯舜音此音天與稀明月  
或之聳願我亦依依月有萬古光人須萬古心此心良可歌憑  
月為知音

清風謠

清風何處來先此高高臺蘭叢國香起挂枝天籟迴飄飄度清  
漢浮雲安在哉萬古鬱結心一旦為君開有客慰所思臨風久  
徘徊神若游萼胥身疑立天台極渴飲沆瀣大暑執瓊瓌曠如  
攜松丘騰上烟霞遊熙如即莊老語入道遙道朱絃鼓其熏可  
以解吾民滄浪比其清可以濯吾纓願此陽春時勿使飄暴生

千靈無結恨萬卉不摧榮庶幾宋玉賦聊廣楚王情

公路澗

曹公與袁紹  
嘗爭據此地

嵩高登靈源北望洛陽注清流引河漢白氣橫雲霧英雄惜此  
地百萬曾相距近代無戰爭常人自來去

拜馬澗

傳聳王子晉澗邊遺一驥當時青雲路雞犬亦可致未必真龍  
媒悠悠在平地

天門泉

天門有靈泉塵埃未嘗至日月自高照雲霞亦輝庇惟抱夸齊  
心飲之可無愧

峻極上寺

徘徊峻極寺清意滿烟霞好風從天來吹落桂樹花高高人物

外猶屬梵王家

中峰

嵩高最高處逸客偶登臨  
迴首日月影正得天地  
心念此非常遊千載一披襟

湖山

湖山滿清氣賞心甲吳越  
晴嵐起片雲晚水連初月  
漁父得意歸歌詩等閒發

筠亭

為愛碧鮮亭入夏姁姁至  
臺榭競生烟獨有清涼意  
高岡鳳不來幽人此沈醉

風笛

風引湖邊笛焉知非隱淪  
一聲裂雲去明子生精神  
無為落梅

調留寄隴頭人

渚蓮

武陵誰家子波面雙雙渡  
空積心中絲未成機上素  
似共織女期秋霄苦霜露

天平山白雲泉

靈泉在天半狂波不能侵  
神蛟穴其中渴虎不敢臨  
隱照涵秋碧泓然一勺淡  
游潤騰雲飛散作三日霖  
天造豈無意神化安可尋  
挹之如醍醐盡得清涼心  
聳之異絲竹不含哀樂音  
月好羣籟息涓涓度前林  
子晉罷雲笙伯牙收玉琴  
徘徊不擬去復發滄浪吟  
乃云堯湯歲盈盈長若今  
萬里江海源千秋桂松陰  
茲焉如有價北斗量黃金

和楊旼孤琴詠

愛此千年器如見古人面欲彈換朱絲明月當秋漢我願宮商絃相應聲無間自然召南風莫起孤琴歎

絳州園池

絳臺使君府亭閣參園圃一泉西北來羣峰高下觀池魚或躍金水簾長布雨怪柏鎖蛟虬醜石開羆虎羣花相倚笑垂楊自由舞靜境合通仙清音不知暑每與風月期可無詩酒助登臨問民俗依舊陶唐古

鄱陽酬泉州曹使君見寄

吾生豈不幸所稟多剛腸身甘一枝巢心苦千仞翔志意苟天命富貴非我望立譚萬乘前肝竭喉無漿意君成大舜千古馨香片玉棄且狂雙足何辭傷王章死于漢韓愈逐諸唐獄中與嶺外妻子不得將義士撫卷起眦血一雷震于時宴安人滅

然已不揚匹夫虎敢鬪女子熊能當况彼二長者烏肯巧如簧我愛古人節皎皎明如霜今日貶江徼多慙韓與王罪大禍不稱所損傷纖世盡室來官下君恩大難忘酒聖無隱量詩豪有餘章秋魏公亭金菊何煌煌登高發祕思聊呂據吾狂卓有梅聖俞作邑罷之笏矯首賦虛烏擬彼歌滄浪因成答為戲移以贈君即泉南曹使君詩源萬里長復我百餘言純純自宮商念此孤唳鶴聲應來遠方相期養心氣彌天浩無彊鋪之被萬物照之諧三光此道果迂濶陶潛吾醉鄉

聽真上人琴歌

銀潢耿耿霜稜稜西軒月色寒如水上一叩朱絲繩萬籟不起秋光凝伏羲歸天忽千古我聳遺音淚如雨嗟嗟不及鄭衛見北里南鄰競歌舞競歌舞何時休師襄堂上心悠悠擊浮金

曼鳴玉老龍秋啼滄海底  
幻猿暮嘯寒山曲  
隴頭瑟瑟咽流泉  
洞庭蕭蕭落寒木  
此聲感物何太靈  
十二銜珠下仙鵲  
為余再奏南風詩  
神人和暢舜無為  
為余試彈廣陵散  
鬼物悲哀晉方亂  
乃知聖人情慮深  
將調四海先調琴  
興亡哀樂不我適  
坐中可見天下心

和葛閣寺承接花歌

江城有卒老且貧  
憔悴抱閨良苦辛  
衆中忽聳語聲好  
知是北來京洛人  
我試問云何至  
是欲語沈瀾墮  
雙淚斯須收  
淚始能用盡無他能  
却作瓊林苑中吏  
年年中使先春來  
曉宣口勅修花臺  
竒芬異卉百餘品  
求新換舊爭栽培  
猶恐君王厭顏色  
羣芳只似尋常開  
幸有神仙接花術  
更向都城求絕匹  
梁王苑裏

索妍姿石氏園中按淑質  
金刀玉尺裁量妙  
香膏膩壤彌縫密  
迴得東皇造化工  
五色敷萼異平日  
一朝寵愛歸牡丹  
千花相笑妖嬈難竊藥  
嫦娥新換骨  
嬋娟不似人間看  
太平天子春遊好  
金明柳色籠黃道  
南樓殿五雲高  
鈞天捧上蓬萊島  
四邊桃李不勝春  
何況花王對玉宸  
國色精明動韶景  
天香旖旎飄芳塵  
特奏霓裳羽衣曲  
千官獻壽羅星辰  
兑悅臨軒逾數刻  
花吏此時方得色  
白銀紅錦滿牙林  
拜賜仗前生羽翼  
惟觀風景朝仍暮  
一心歲歲供春賦  
中途得罪情多端  
刻木在前何敢訴  
竄來江外知幾年  
骨肉無音雁空度  
北人情況異南人  
瀟灑溪山苦無趣  
子規啼處血為花  
黃梅熟時雨如霧  
多愁多恨信傷人  
今年不及去年身  
目昏耳重精神減  
復有鄉心難具陳  
我香此語聊悒悒  
近曾侍從班中立  
朝違日下暮天涯  
不學爾曹向

隅泣人生榮辱如浮雲悠悠天地胡能執賈誼文才動漢家當時不免來長沙幽求功業開元盛亦作流人過梅嶺我無一事逮古人謫官却得神仙境自可優優樂名教曾不恹恹弔形影接花之技爾則竒江鄉卑溼何能施吾皇又詔還淳朴組織文章皆棄遺上林將議賜民畋似昔繁華徒爾為西都尚有名園處我欲抽身希白傳一日天恩放爾歸相逐我花洛陽去

中元夜百花洲作

南陽太守清狂發未到中秋先賞月百花洲裏夜忘歸綠梧無聲露光滑天學碧海吐明珠寒輝射空星斗疎西樓下看人間世瑩然都枉青玉壺從來酷暑不可避今夕涼生豈天意一笛吹銷萬里雲主人高歌客大醉客醉起舞逐我歌弗舞弗歌如老何

野色

非煙亦非霧羃映樓臺白鳥忽點破夕陽還照開肯隨芳艸歇疑逐遠帆來誰謂山公意登高醉始廻

送何白節推宰晉原

盛府兼名邑榮歸指故林多年望鄉淚萬里倚門心江館春寒薄山程晚翠淡板輿迎待日桃李正芳陰

送韓瀆殿院出守岳陽

仕宦自飄然君恩豈欲偏纔歸劍門道忽上洞庭船陸絮傷春日春濤廢夜眠岳陽樓上月清賞浩無邊

遊鳥龍山寺

高嵐指天近遠溜出山遲萬事不到處白雲無盡時異花啼鳥樂靈草隱人知信是栖真地林僧半雪看

江干閒望

江干日清曠寓目一措筇落葉信流水歸雲識舊峰  
蘭蓀誰共采鳧雁自相從莫愛蘋風起波來千萬里

洞庭山

吳山無此秀乘暇一遊之萬頃湖光裏千家橘熟時  
平看月上早遠覺鳥歸遲近古誰真賞白雲應得知

虎丘山

昔見虎耽耽今為佛手巖雲寒不出寺劍靜未離潭  
幽步蘿壑徑高禪雪閉庵吳都十萬戶煙瓦亘西南

應制賞花釣魚

萬彙嘉亨日皇心豫宴辰萼林新濯雨靈沼正涵春  
常幄紛仙薦天鈞擲錦鱗洋洋頌睿唱賡頌泆簪紳

芝山寺

樓殿冠崔嵬靈芝安在哉雲飛過江去花落入城來  
得食鴟朝聚香經虎夜回偶臨西閣望五老夕陽開

赴桐廬郡至淮上遇風

聖宋非彊楚清淮異汨羅平生仗忠信盡室任風波  
舟楫顛危甚蛟鼉出沒多斜陽幸無事沽酒漁歌

瀑布

迴與衆流異發源高更孤下山猶直拄到海得清無  
勢鬪蛟龍惡聲吹雨雹麤晚來雲一色詩句自成圖

堯廟

千古如天日巍巍與善功禹終平洛水舜亦致熏風  
江海生靈外乾坤揖讓中鄉人不知此蕭鼓謝年豐



八月十四夜月

光華豈不盛賞宴尚遲遲天意將圓夜人心待滿時已知千里  
共猶訝一分虧來夕澄霽清風不負期

試筆

偶緣疎拙得天真豈問前途屈與伸車馬縱能欺倦客江山猶  
可助騷人懶如叔夜書盈几狂似淵明酒滿巾况有南窓姬易  
狂此心那更起纖塵

送石曼卿

河光嶽色過秦關英氣飄飄洒滿顏賈誼書成動西漢謝安人  
笑起東山亨途去覺雲天近舊隱回思水石間此道聖朝如不  
墜疏封宜枉立譚間

依韻酬太傅張相公見贈

出處曾無致主功南陽為守地猶雄醉醒往日慙漁父得失今  
朝賀塞翁七里河邊歸帶月百花洲上嘯生風卧龍鄉曲多賢  
達願預道遥九老中

知府孫學士見示和終南監宮大保道懷因以綴篇

玉皇近侍請修真賜得南山十里雲樽有聖賢聊自慰鼎多龍  
虎復誰分謝家山色朝脯見陶隱松風寤寐香萬物已齊無一  
事獨醒微笑醉醺醺

酬滕子京同年

謝家風雅若為酬散吏方耽海上遊疎懶幾忘傳筆夢寂寥仍  
有負薪憂欲歌蘭雪歸真隱敢向簪軒競急流如共茂先占氣  
象莫言神物在南州

遊廬山

五老閒遊倚舳舻碧梯嵐徑是程途雲開瀑影千峰挂雨過松  
篁十里鋪客愛往來何所得僧言榮辱此間無從今要識逍遙  
旨一聽升沈造化爐

馬跡仙壇

靈壇拱上百神清碧塢紅霞相映明曲逕已無青草亂亂峰時  
有白雲生亭亭翠燾高山轟隱隱狂雷落石轟待得九霄鸞鶴  
馭玉書應改地仙名

歸鴈

稻梁留不得一一起江天帶雪南離楚和春北入燕依依前伴  
侶歷歷舊山川木葉程猶遠梅花信可傳子規啼到曉鸚鵡鎖  
經年應美冥冥者東風羽翼偏

依韻和延安龐龍圖柳湖

種柳穿湖後延安盛可遊遠懷忘澤國真賞即瀛州江景來秦  
塞風情屬庾樓劉琨增坐嘯王粲乍銷憂秀發千絲墮光搖匹  
練柔雙雙翔乳燕兩兩睡馴鷗折翠贈歸客濯清招隱流宴回  
銀燭夜吟度玉闕秋勝處千場醉勞生萬事浮王公多雅致思  
發共仙舟

和延安龐龍圖寄岳陽滕同年

優遊滕太守郡枕洞庭邊幾處雲藏寺千家月在船疎鴻秋浦  
外長笛晚樓前旋撥醅頭酒新炮縮項鱸宦情須淡泊詩意定  
連綿迴是偷安地仍當飽食年只應天下樂無出日高眠豈信  
憂邊處 兵隔一川

淮上遇風

一櫂危如葉傍觀亦損神時在平地無忽險中人

題翠峰院 范蠡舊宅

翠峰高與白雲閒  
吾祖曾居水石間  
千載家風應未墜  
子孫還解愛青山

過嚴灘

漢包六合網英豪  
一箇宴鴻惜羽毛  
世祖功臣三十六  
雲臺爭似釣臺高

慶朔堂

慶朔堂前花自栽  
更移官去未曾開  
年年憶著成離恨  
祇託春風勾管來

按誌公曾植九松于堂前間以雜卉未幾即移潤州故作此詩所謂芝產三莖松栽百尺者是也而

姚嗣宗 附

釋史謂公別有屬意豈其然手  
閩中人與張吳二狂生稱三俠范希文見其題壁詩驚異之表八幕府希

題驛壁

踏破賀蘭石掃清四海塵  
布衣能辨此可惜作窮人

題空同山寺

南粵干戈未息肩  
五原金鼓又轟天  
空同山叟笑無語  
飽聽松聲白晝眠

范純仁

字堯夫仲淹次子幼警悟入歲能講所授書以父任為太

祝中皇祐元年進士為養親久不拜官父歿始出仕以著

躬親時節之棄城縣兄純祐有心疾奉之如父藥膳居服皆

與地也簽書許州觀察判官名為侍御史因議濮王典禮

院力奏王安石變法害民作尚書解以進安石大怒使乞

重貶賴上知其無他命知河中府徙知成都路轉運使乞

至戒州縣停新法勿處行安石益怒左遷知和州慶州中

拜右僕射及章惇為相堅求去猶以救呂大防三年徽宗即位惇意安置永州時兩目已失明怡然就道居三年徽宗即位顯肅后同聽政即日授純仁光祿卿分司南京復遣中使至永賜茶藥論虛相位以待純仁捧詔感泣而已乞歸養疾徽宗不得已許之年七十五卒諡忠宣

累約舍弟純禮以職事未至

落葉猶同飛寒鳥猶並枝我汝獨何負不得長相隨偶為細累  
 拘跬步成成天涯後日更遠適會合倍難期尚願家國寧且作  
 千日離悠悠百年間幾別顏即衰從宦非我志功名徒自欺雖  
 言千寸祿坐使手足違逐末背本心得一萬已遺爾我麤有識  
 此事良同悲安得長洲田清水稻百畦將汝入故廬親戚生成  
 圍幼弟就文史長兄近砥醫孝謹奉諸宗祭祀潔四時此外逐  
 風月對酌白酒危畢世為善人不負生育慈斯志倘未遂終為  
 路旁嘆

會師宰

憶昨相逢際風喧洛城春芳菲供愁眠衣袂偕京塵艱難各有  
 適會合寧遠巡君歸來河時我約赴無因自此還相望渴臆生  
 埃塵晚歲留故丘山川寂無鄰落日送樵牧蒼烟起荆榛季弟  
 自城至開顏慰天倫遽言長者車相遇止來晨茲遇出意表侯  
 迎屢冠中寒途馬歷歷幽扉犬狺狺野夫競走報似喜得嘉賓  
 空堂揖顏色和氣相氤氳開尊共燈燭笑語何諄諄朝遊禹門  
 寺暮歷清伊濱危龕儼金像遠波舒翠鱗石樓最清絕就宿同  
 稠茵灘聲夜逾急天然謝韶鈞閒談盡物理至樂還天真人生  
 足羈束此會猶難頻所期道義心白首相親

謁辛化光

濃陰結秋意疎林嘯風聲時節感壯懷挈酒慰友在友生冰玉

士節行映古清十五簪儒冠四十無華纓家貧道彌富身困譽益榮殷勤數賓侶足趨顏巷輕高齋面幽圃修筠擁軒楹班班寒露叢競吐籬下英食具簡且潔盤蔬亦晶明飲適言笑和至樂不亂情郁然蘭芷芬薰灼通心誠因嗟朝市間利欲空自兵

蚤行

夙駕冒輕寒身勞意自閒鳴鷄起遙野殘月滿空山水落灘沙白林稀落葉殷東方上朝旭始免畏途難

寒食日泛舟

合友逢佳節攜尊泛碧流溪風消酒力烟樹入春愁羣鴨開波練疏雲透月鈎平生懷古意最羨五湖遊

和韓子文題王摩詰畫寒林

摩詰傳遺跡家藏久自竒高人不復見絕藝更誰師水石生寒

蚤烟雲結雨遲筆端窮造化聊可敵君詩

零陵憶弟妹

感秋懷弟妹惟悴客瀟湘他日常星聚衰年隔雁行既盲難引望垂老易悲傷安得樹鴻鵠高飛向汝傍

與王弱翁遊龍門

誰知造化擘巍峩千古伊流向此過四面喬松擁香剎雨崖蒼石束寒波身閒愈覺良朋貴詩拙翻羞好景多宜向諸方縱蕭散明朝望洛下長坡

和王微之同持國泛舟登樓

故人還喜笑言同把酒相看似夢中老去卜鄰逢晏子從來解榻賴陳公画船穩泛平溪綠層觀高橫落日紅莫訝狂歌先盡醉預愁羈旅向山東

和韓侍中巫蘿祠

勝遊今屬相君家，臺榭高開碧水涯。  
森聳綠梧常映日，縈紆寒溜曲穿花。  
藤牽柔蔓垂長帶，竹引新萌走蟄蛇。  
下吏不歸戎醉弁，卻愁歸汗繡茵車。

和韓侍中春陰馬上

三月芳菲欲暮天，可堪零雨晝連綿。  
潤催隴麥將黃節，寒阻春蠶起蚤眠。  
疎柳拂墻難結絮，嫩苔鋪砌已成錢。  
牡丹只待青陽照，看吐新花一尺圓。

和韓侍中登廣教院閣

兩陪千騎叩禪關，每聽高吟解客顏。  
吉甫壯猶方北伐，謝公高興在東山。  
僧軒淡閉芳菲靜，春晝初長鳥雀閒。  
浮覽不知歸徑晚，火城看逐隼旗還。

和韓侍中初夏遊興慶池

池邊喜逐綵旗行，初夏亭臺照水明。  
筠籜乍開春後綠，林梢長帶雨來聲。  
新荷獵獵香風遠，澗沈沈晝景清。  
珍重相君憂國意，宴終遊亦念農耕。

謝師厚寄同黃壻魯直唱和

忽得相郊信，倏然病魄醒。  
懷賢心獨在，感舊涕偏零。  
南斗占神劍，西豪聚德星。  
臥龍看復起，失馬顧曾經。  
冰玉清相照，芝蘭遠更馨。  
微官應念我，白首候戎亭。

春日寄許州韓持國

湖上春遊阻重陪，朱轡紅旆想徘徊。  
鶯花對席應相惱，不見頻攜醉客來。

雪中池上

碧玉為池白玉隈千林萬木盡花開攜賓欲覓開尊處祇得清香辨野梅

吳中復

字仲庶興國永興人進士及第知峨眉縣有廉幹聲用中丞孫朴薦為監察御史富弼開六潔河賈昌朝助宦官劉恢陰中之詔中復往治其事立解以彈宰相劉沆改右司諫以待制出知澤州歷河東轉運知江寧府忤執政削一階提舉玉隆觀

西園十詠

西樓

信美他鄉地登臨有故樓清風破大暑明月轉高秋朝暮岷山秀東西錦水流賓朋逢好景把酒為遲留

衆熙堂

亭枕方塘上軒開四照新花涵清露曉風卷綠波春日暖眠汀

鷺荷翻躍錦鱗熙熙遊宴地行樂慰西人

竹洞

陰森過百步屈曲鎖莓苔翠色寒無改清風時自來葉籠蒼玉幹路入碧雲堆吏散無公事支筇到幾回

方物亭

草木蟲魚部披尋自古無飛沈天產異生植土風殊物色隨心匠形容記績圖虛亭玩真意浩思滿江湖

翠栢亭

泉水墜黃葉皴皮抱翠枝自然根性異不為雪霜移靈潤承多露清陰貫四時婆娑染歲寒意每到坐遲遲

圓通菴

對此圓通境陶然勝靜齋觀空無物我扣寂外形骸燕坐埋遺

照虛名莫疾懷人間憂樂地所喪甚山崖

琴壇

瀟灑琴壇上賢侯養道情無今亦無古求意不求聲林邃風初  
靜雲收月乍明拂絃成一弄塵思浩然清

流杯亭

結客乘公暇流觴逐浩歌亂峰晴倒影曲水宛迴波小海逢元  
巳蘭亭記永和西州行樂事應比晉賢多

喬栢亭

水占西園勝亭延上客過色無花卉妬堅為雪霜多幹有千年  
秀根含一氣和明堂求柱石可得老巖阿

錦亭

簾幕臨雕檻總疏照爛霞園林初過雨風日猛催花香入遊人

袖紅堆刺史家四時俱好景終不似春華

沈邁

字文通錢塘人用蔭為郊舍郎舉進士廷唱第一以官故  
改第二通判江寧府歸奏本治論仁宗嘉之除集賢校理  
久之修起居注遂知制誥因文扶坐事免求知越州徒杭  
州精于吏事令行禁止閭閻長短纖悉必知治聲大著召  
知開封府遷龍圖閣學士拜翰林學士判流  
內銓丁母憂服未竟而卒年四十時論惜之

和李審言上元寄王巖夫

此都豪麗歲仍豐此夕都人凱樂中車馬笙簫十里至樓臺燈  
火九衢通香輿軋軋凌風駛粉袂翩翩照地紅病守行春應勉  
彊更堪攀倚少年叢

戲盧中甫

晴日春風花氣浮少年嬉逐滿揚州誰憐居士身常病獨坐空  
船理白頭



還家自嘲

意昨邊城初見春  
纖纖垂柳正爭新  
不如遠客貪歸意  
欲把柔絲繫画輪

田况

字元均陽翟人家開封少有大志好讀書為詩文立成初舉進士賜同學究出身不就後中甲科補江寧府推官服除補楚州團練判官用為諫官會夏英公范文正公經略陝西請以為佐又副韓公宣撫陝西除龍圖直學士知成德軍教有功移秦鳳路經略安撫使丁外艱起知渭州遂用諫議大夫知成都府蜀人愛之比於張忠定上賜書獎諭召為樞密直學士項之遂拜樞密副使尋以檢校太傅充樞密使嘉祐三年請致仕八年二月卒年五十九

三月三日

麗日照芳春  
良會重元巳  
陽濱修被除  
萼林程射技  
所尚或不  
同茲俗亦足喜  
門外盛車徒  
山半列鄆市  
彩棚飛鏑遠  
醉席歌

聲起回頭望城郭  
煙靄相表裏  
秀色滿郊原  
遙景落川溪  
目倦意猶遠  
思餘情未巳  
登高貴能賦  
感物暢幽旨  
宜哉賢大夫  
繇斯見材美

遊淨衆寺

千騎出重圍  
巖祠淨宇鄰  
映林沽酒旆  
迎馬獻花人  
豔日披江霧  
香颺起路塵  
韶華特明媚  
不似遠方春

汎浣花谿

浣花溪上春風後  
節物正宜行樂時  
十里綺羅青蓋密  
萬家歌吹綠楊垂  
画船伐鼓臨芳渚  
綵閣凌波汎羽卮  
霞景漸曛歸櫂促  
滿城懽醉待旌旗

寒食開西園

春風寒食節  
夜雨晝晴天  
日氣熏花色  
韶光徧錦川  
臨流飛鑿

落倚榭立鞦韆檻外遊人滿林間飲帳鮮衆音方雜還餘景更留連座客無辭醉芳菲又一年

劉沆

永新人天聖間進士長於吏事任數多智每刺探權近過失脅持取利歷權知開封府參知政事同平章事然以附張貴妃得進君子議之家傳盛稱其至和中定策立儲與文富同功然以史考之諧毀洛公及沮扣趙抃范師道忝相位多矣

小孤山

擎天有八柱此一柱仍存石聳千尋勢波流四面痕江湖中作鎮風浪裏盤根平地安然者饒他五嶽尊

聰明泉

義山山下有靈泉泉喚聰明自古傳四百年中三出相不才何意繼前賢

王陶

字樂道京兆萬年人第進士仕至太常丞而一父憂乞以所遷官追贈其父詔允之服闋除太子中允遷監察御史襄行頗以能言著聲出知衛州改蔡州召為右正言英宗即位加直史館修起居注知制誥進龍圖閣學士知永興軍神宗立遷密直拜御史中丞加觀文殿大學士卒陶始受知於韓琦驟加獎拔既欲自取重位百端傾琦上遂薄其為人又陶微時寓京師苦貧其友姜愚氣豪樂施衣食多所取資又陶數百千為之營娶及陶貴尹洛愚老而喪明往謁之陶相視漠然但出尊酒而已土論益薄之

有竇復者世居鎮戎能道邊事

君不見鎮戎德順弓箭手耕種官田自防守相團置堡禦口軍下視賊庭殊不有殺羊取骨然艾炙試卜賊兵知入寇都校招呼八堡居堡外重圍百里餘墻低城小不難破賊箭如棚城上過堡中不及數十人且聞且罵且欣欣登陴斫門謂平取應弦死傷已無數牕間走簡射其魁一箭已聳哭聲舉爭將錦囊裏

賊尸鳴金收衆唯恐遲不唯城堡依然固吾衆不傷毫與釐自  
從干戈動四鄙覆軍殺將曾無恥朝廷未省遺邊功何事此勲  
不齊紀安得天兵百萬衆盡如此輩堅且勇



